



WANTOK

Niuspepa Bilong Yumi Ol PNG Stret!

Namba 1841

Wan Wik, Novemba 19 - 25 2009

K1 tasol long olgeta hap



Trupela man!



PINISIM KOKODA: Kurt Feamley, man husat i nogat lek, tasol em i wanpela fit spot-man, i wokabaut bi-hainim Kokoda Trek na i pinisim long tenpela de tasol. Em i man Australia, na em i wanpela hap man bilong traime ol kain kain spot pilai. Em i gat nem long winim ol longpela ron resis bilong ol disebol spot manmeri. Tupela PNG wasman bilong Kokoda Trek Atoriti i karim Kurt bihain long em i kamap long Owers Kona, em ples i makim pinis bilong Kokoda Trek long Sentral provins aste (Trinde). Em i bihainim 96 kilomita wantaim papa na ol brata na gutpela poroman bilong em. (Poto i kam long AAP Images/Ilya Gridneff)

2010 Baset
insait long
Pes 2,3,4,5

Serim dispela krismas wantaim Digicel!

39 Fri SMS!
K39 Fri Kredit!

BAIM WANPELA HANSET DISPELA KRISMAS NA YU KEN WINIM WANPELA TOYOTA LENKRUSA

Olgeta haset wantaim SIM I gat K39 Fri Kredit na 39 Fri SMS.

Krismas em taim bilong serim

Digicel
Bipela, Stronpela mas Netwok bilong PNG.

2010 Mani Plen bai strongim rurel ekonomi

Paul Zuvani
i raitim

GAVMAN long dispela wik Tunde i tokaut long K7.5 Billion Baset bilong 2010.

Long dispela K4.1 Billion i go long Rikaren Baset na K3.4 Billion I go long Developmen Baset.

Dispela i bikpela Baset tru long laip bilong Papua Niugini.

Las bikpela Baset kantri i lukim em long 2009 we Gavman i kamapim em K6.7 Billion na 2008 em i kamapim K8 Bilion.

Oltaim gavman i save kamap wantaim milion Kina baset o K1 na K2 Bilion tasol.

Tasol nau dispela ol namba I go antap.

Gavman i tok as bilong em i inap kisim moa mani em bikos long gutpela lukaut bilong em long mani em gat long han paus bilong em na long gutpela takis em i kisim long ol kampani.

Planti takis mani i kam long maining na petroleum sekta. Inap

olsem K10 Bilion gavman i kisim long 2009 maining na petroleum takis tasol gavman i yusim tasol K5 Bilion long dispela Mani Plen.

Moa stori long pes 3

OCEAN BLUE TUNA

Gutpela abus tru na i no dia tumas!

OX & PALM

Bikpela wok stap yet sapos mani plen laik karim kaikai: Barker

Paul Zuvani i raitim

EM i gutpela long lukim gavman i mekim baset o mani plen we i sut i go long helpim ol manmeri i stap long ruel komyuniti o ples. Tasol senis na gutpela sindaun i no inap kamap sapos sampela samting i no stap.

Dispela em toktok bilong Paul Barker, Dairekta bilong Institut bilong Nesenel Afeas (INA) bihain long tokaut bilong 2010 Nesenel Baset.

Mista Barker i tok long gavman i lukim kaikai bilong mani plen bilong en, em i mas:

- Givim trening long moa manmeri long wok;
- Strongim wok resis long bisnis;



- Pasim sampela ol opis we i mekim wankain wok na bungim ol wantaim aninit long wanpela bos;

- Putim moa mani go long kamapim na stretim ol rot, bris na ples balus na olsem; na

- Lukim mani i go aut na i go stret long hap em i mas go.

Mista Barker i tok i gat ol plen olsem Nesenel Edukesen Dipatmen

(2010 i go long 2019) Nesenel Helt Plen wantaim Long Tem Plen bilong ol arapela dipatmen olsem em i mas redi long givim trening long moa manmeri long mekim wok long dispela ol hap.

Moa yet planti ol wok maining na petroleum projek i wok long kamap olsem na gavman i mas givim moa trening long kamapim ol jioljis na maining enjinia long wok long ol dispela projek.

Sapos nogat em bai kisim ol wokmanmeri long narapela kantri i kam na mani bai go aut gen long kantri, em i tok.

"Wok i no inap kamap sapos nogat wokmanmeri i stap o nogat rait manmeri bilong mekim wok.

"Tupela sait wantaim i mas stap, kamapim wok na long wankain taim givim trening long ol manmeri long mekim wok," Mista Barker i tok.

Em i tok tu olsem gavman i noken lusim mani nating long baim Air Niugini balus long taim i gat bikpela laik long stretim ol ples balus long kantri na long lukim moa balus i go long ol ples.

Em i tok em i gutpela long lukim gavman i putim mani i go long

kamapim na stretim ol rot tasol em i mas mekim wankain long stretim ol ples balus na ol bris.

Ol manmeri i laikim transpot long kam long taun o go long ol maket long salim samting bilong ol, tasol nogat bris na nogat ples balus.

Em i laik lukim tu moa wok resis long wok bisnis olsem Bemobail na Dijisel. I mas i gat wankain wok resis long balus, sip, pawa na ol arapela sevis.

"Larim gavman i kamapim na stretim infrastraksa na ol kampani i bringim sevis long ol manmeri.

"Dispela bai karim aut Pablik Praivet Patnasip (PPP) tingting bilong gavman," Mista Barker i tok.

DSIP gat K16 milion mani bihain long ol kisim narapela K2 milion

Paul Zuvani raitim

GAVMAN i putim narapela K2 milion i go long Distrik Sevises Impruvmen Program (DSIP) mani.

Dispela i bringim mak bilong mani i go antap long K16 bihain long ol i kisim narapela K2 milion. Pastaim i bin i gat K14 milion.

Minista bilong Nesenel Plen-ing na Monitaring, Paul Tiensten, i tokaut long dispela long taim em i tokaut long K3.4 bilion 2010 Dvelopmen Baset long dispela wik Tunde.

Mista Tiensten i tok gavman bai go yet long sapotim dispela projek long ol yia i kam bihain.

Dispela em long senisim na strongim sindaun bilong ol manmeri long ples.

Tasol bikpela askim em long sapos mani bai go tru tru long ol manmeri.

Long yusim dispela mani gavman i bin kamap wantaim 7-pela hap we pastaim K14 milion i mas go long en.

Yumi no save we K2 milion bai go long em. Tasol i luk olsem dispela bai stap long lukluk bilong wanwan Memba long wanem hap ol yet i save i laikim moa mani long em.

Long ol 7-pela hap pastaim K14 milion i go olsem - transpot infrakstrakta rihebilitesen na mentenens (K5 milion); praimer i helt kea (K2 milion); besik edukesen (K2 milion); wara saplai (K1.5 milion); lo na jastis (K1.5 milion); Komyuniti bes projek (K1 milion) na ruel ilektifikesen (K1 milion).

Bikos long dispela hevi ORD i tok sapos gavman i laik lukim kaikai bilong tingting bilong em orait bikpela senis i mas kamap wan wan ol distrik opis.

Long dispela em i tok ol asua i pas long go bilong DSIP mani i stap long tupela hap- wanpela em long politikel (ilektorel) na narapela em long distrik opis (ol gavman wokman).

Asua em olsem:

- OL Memba i laik mekim olgeta disisen long distrik;
- OL opisa bilong Memba i save laik kisim ples bilong ol distrik tresari opisa na mekim wok;
- PLANTI senis tumas long distrik administreta o distrik tresari opis;
- NOGAT gutpela wokbung namel long ol wokman bi-

long gavman na lokol memba;

- NOGAT inap ol wokman o saveman bilong lukautim na raitim ripot bilong mani;
- NOGAT gutpela distrik na fainens opis long mekim wok;
- NOGAT gutpela rot o ol ples i stap longwe long narapela narapela na hat long bungim ol na givim sevis;
- NOGAT gutpela wokbung namel long Memba, ol distrik opisa na ol kampani we i raitim ol projek proposal na
- OL Memba i no save wok hariap long saining ol pepa long pe i mas kamap.

Long Semptemba dispela yia ORD i bin ronim ol woksop long wanwan ol rijen long painim aut ron bilong DSIP mani.

2010 Man Plen bai strongim rural divelopmen

I kam long pes 1

Gavman i kamapim dispela Mani Plen wantaim tingting long kisim sapot long tupela maining projek em long Ramu Nikel long Madang Provins na Hiden Veli long Morobe Provins we bai stat long salim nikel na gol long 2010. Em i lukluk tu long kisim takis mani long kamap bilong LNG (ges) projek.

Long taim bilong tokaut long 2010 Baset Minista bilong Fainens na Tresari Patrick Pruaitch i tok as tingting bilong dispela Baset i bilong strongim na senisim laip long ruel ples.

I olsem bilong lukim manmeri long ruel ples i kisim gutpela sindaun.

Minista Pruaitch i tok dispela i skurim yet tingting bilong 2009 Mani Plen.

Mista Pruaitch i tok dispela Mani Plen i gutpela long wanem em i Balens Baset.

Gavman i kamapim Mani Plen bihainim hamas mani em i gat long han paus bilong en na i no antap long dispela.

Em i gutpela tu long wanem em i no inap kisim dinau mani long ausait long helpim em.

Pruaitch i tok gavman i bihainim Midium Tem Dvelopmen Strateji (MTDS), Midium Tem Fiskol Strateji (MTFS) na Midium Tem Debt Strateji (MTDS) long kamapim dispela mani plen.

Na long we gavman i kisim mani long kamapim dispela mani plen bikpela hap i kam long takis gavman i kisim long ol kampani na dispela i sanap olsem K5,735.3 milion.

K400.5 milion i kam ausait long takis, K285.2 milion i kam long ol gavman bodi olsem Benk bilong Papua Niugini (K20 milion), Nesenel Piseris Atoriti (K10 milion), Indipenden Pablik Bisnis Koporesen (K25 milion), Ok Tedi (K220.2 milion) na Petromin (K10 milion).

K1,293.9 milion em gavman bai kisim long ol dona ejensi olsem AusAID, JICA na ol arapela ejensi.

Gros Domestik Prodak (GDP) bai groa long mak bilong 9.5 pesen na dispela gavman i hop bai kisim sapot long kamap bilong Likwifait Netseral Ges (LNG) projek.

Na 2010 GDP i stap antap long populesen groa we i stap long 3.3 pesen long dispela taim.

Dispela i winim mak bilong 2009 GDP we i sanap olsem 4.5 pesen.

Inflesen bai go antap long 10.5 pesen.

WORKING ALL OVER PNG

BRUT - SLIP ON

**NUBUCK
- 6" LACE UP
SUEDE LEATHER**

**EXPLORER
- 8" LACE UP**

BULLDOG BOOTS:

- Dual density Polyurethane rubber sole for extra comfort and increased wear
- Lightweight
- PORON inner soles for exceptional comfort

- Wide Steel Toe Caps
- Full Length Tongue

- Certifie to AS/NZ 2210.3
- Oil & Heat Resistant Sole
- Padded Collars

BISHOP BROTHERS NATIONWIDE

everything for industry...

Rot bilong yusim gut DSIP mani



Palamen bung suruk go long Tunde 24, Novemba

Paul Zuvani raitim

TINGTING bilong Gavman long putim mani i go daun stret long ol distrik na kamapim ol wok i gutpela.

Tasol taim em i mekim olsem i gat ol hevi i stap we i pasim go bilong dispela mani.

Planti bilong ol distrik i bungim hevi we nogat distrik tresari o fainens opis i stap, o sapos i stap i nogat wokman i stap.

Na sapos i stap em i nogat save bilong raitim fainens ripot. Na i nogat save bilong kamapim mani plen (baset) na bihain mekim ekuitel.

Em i wanpela askim bilong ORD long ol Memba i mas go wantaim ol ekwitel bai ol i ken kisim narapela hap mani bilong ol.

Sapos nogat bai nogat mani i go aut long skruim DSIP.

Opis bilong Rurel Developmen (ORD) bihainim ol kibung em i holim long sampela rijen long painim aut wok bilong ol distrik long kisim dispela mani i luksave long dispela ol hevi.

Bikos long dispela em i mekim sampela ol askim long larim mani i go aut isi:

- ORD i mas mekim moa aweanes kempein long gaid-lains na fainens rot bilong kisim na yusim dispela mani olsem ol distrik i save long wok bilong dispela mani;
- I MAS gat gutpela komyunikesen namel long ol lain husat i pas long DSIP mani;
- TRENIM moa ol savemanmeri bilong tresari na fainens

long kamapim ripot na lukautim ripot bilong mani na

- RIVYUIM ol rot long mekim isi long go bilong DSIP mani.

ORD i painim olsem planti ol distrik i wok hat long bihainim ol rot long kisim K14 milien DSIP mani.

Sampela i save moa long ol arapela long rot bilong kisim DSIP mani.

Sampela distrik i painim hat long karim aut DSIP bikos long sampela samting i hat long kisim.

Sampela distrik i bungim hevi namel long politiks opis na pablik sevans long distrik.

Gavman long 2007 Sampimentari Baset i givim K4 milien na long 2008 Mani Plen i givim K6 milien na long 2009 Mani Plen i givim narapela K4 milien.

Na long 2010 Gavman i makim narapela K2 million.

Bungim dispela wantaim i namba long K16 milien.

Paul Parker bilong Institut bilong Nesen Afeas (INA) i tok dispela em i bikpela mani tru long go daun long distrik.

Em i tok ol distrik bai bungim bikpela hevi long sait bilong ronim dispela mani.

Em i tok long lukim dispela mani i go gut Gavman i mas trenim inap fainens opisa, painim haus bilong ol, wokim opis na gutpela sevis i mas stap long ol distrik long lukim ol pablik sevans i lusim Waigani na go long ol distrik.

Sapos nogat Gavman bai i no inap karim aut gut tingting na plen bilong em.

Dvelopmen Baset bilong 2010 lukluk long strongim rurel ekonomi long PNG

James Kila i raitim

EKONOMI bilong PNG i wok long gro gut insait long ol yia igo pinis. Tasol bikpela salens bilong Gavman nau em long lukim olsem gro bilong ekonomi i mekim sindaun na kwaliti bilong laip namel long ol manmeri na ol sevis insait long ol rurel eria long kantri.

Dispela em toktok Minista bilong Neginol Plening na Monitoring, Paul Tienstein i bin mekim long Tunde taim em i tokaut long Dvelopmen Baset o Moni-Plen bilong PNG bilong yia 2010.

Mista Tienstein i tokaut olsem Gavman i putim K2 milien igo long wan wan distrik long PNG aninit long Distrik Sevis Impruvmen Program (DSIP). Dispela mani bai go long helpim ol projek we wok plen i stap long sait bilong helt, edukesin, trenspot, agrikalsa na lo na jastis.

Gavman i putim tu K1 milien igo long wan wan distrik long kantri aninit long

Neginol Agrikalsa Dvelopmen Plen (NADP) long halivim ol smolholda famas insait long agrikalsa sekta. Moa long en Gavman bai karimaut sampela bikpela ol projek we i ken strongim dvelopmen insait long ol rurel eria.

Ol dispela em:

- Rurel Elektrisiti Program - K40 milien
- Rurel Rot Program - K40milien
- Distrik Treseri Rol-aut Program - K40milien
- Distrik Maket Program - K20milien
- Rurel Kredit Program - K20milien
- Rurel Lok-ap Program - K10 milien
- Kostal Fiseris Projek - K20milien
- Bikpela Plentesin Riha-bilitesin Program - K26 milien

Paul Zuvani i raitim

BIHAIN long tokaut bilong 2010 Mani Plen long Tunde na ritim bilong Nesenel Stratejik Plen (2010-2050) plen long aste Palamen i surukim kibung bilong em i go long Tunde 24, Novemba long narapela wik.

Palamen i no bin mekim planti toktok long aste bikos Gavman i bin wok long redi long lonsim NSP wantaim ol pablik sevans na pablik manmeri long Se John Guise Stedum.

Nogat kibung bilong dispela taim bai givim taim long Oposisen long redim em yet long bekim 2010 Mani Plen long Novemba 24 Kibung.

Em bai laspela kibung bilong dispela yia na Palamen bai pasim olgeta toktok bilong em long 2009.

Em bai redi na kam bek gen long kibung long Februari, 2010.

Oposisen i no bin amamas tumas long Gavman long em i no bin inap long sindaun long olgeta 63 de bilong kibung.

Em i bin inap long sindaun long 35 de tasol. Na Oposisen i tok i gat planti samting Gavman i no stretim bipo long yia i pinis.

Dispela ol samting em:

- PRAIM Minista (PM) yet i brukim ol lo. Difens Bod bilong Inkwairi i wanpela bilong em;
- PM i pasim wok bilong Ombudsmen Komisen bihain long Komisen i askim em long em i mas givim ripot bilong mani em i yusim long wan wan ol yia;
- EM i no kamapim wok painim long hevi bilong mani i pas wantaim sampela ol opisa na Memba bilong Taiwan Gavman;
- I NO kamapim wok painim long hevi i pas long mani long wok bilong timba long Singapo;
- I NO bihainim ol askim bilong Pablik Akauns Komiti bihainim long ol wok painim bilong komiti;
- I NO mekim wok painim i go insait long ol akaun long Helt, Edukesen na Agrikalsa;
- I LARIM pasin bilong suvim man long bihainim laik bilong narapela i kamap long taim Gavman i sainim Benefit Searing Agrimen (BSA) wantaim ol dvelopa na papagraun long wok bilong ges;
- I NO soim rispek bilong em long Palamen taim em i no save kamap long ol kibung;
- I GIAMAN long tok em i no save olsem em i gat ol sea holda long Pasifik Rejistri bilong ol Sip komiti na long ol wok bod i mekim na
- PM i nogat tingting long lukautim ol manmeri. Em i go pas long wanpela gavman i pulap long ol pasin nogut.





PNG LAW & JUSTICE SECTOR SECRETARIAT
"A Just, Safe & Secure Society for All"

Condolence Message

The PNG Law & Justice Sector Agencies and the Secretariat staff convey their deepest condolence to **HON DR ALLAN MARAT, ATTORNEY GENERAL of PAPUA NEW GUINEA and MINISTER for JUSTICE and ATTORNEY GENERAL** and his family on the passing of their beloved mother and grand mother the Late: **'UTUL RELVIE MARAT.'**

May the GOOD LORD comfort you and the your family at this time of grief and sorrow.

Our prayers are with you now in your time of grief.

May her Soul rest in Eternal Peace

Mi nap!



100 MITA MOA: Kurt Fearnley na famili na ol poroman bilong em i pinisim las 100 mita bilong Kokoda trek bihain long ol i wokabaut bihainim tenpela de olgeta. (Poto i kam long AAP Images/Ilya Gridneff)

Gavman lonsim Driman 2050 plen wantaim kilim pik pasin

Paul Zuvani i raitim

GAVMAN i lonsim Nesanel Stratejik Plen (2010-2050) bilong em long Se John Guise Stedum, Mosbi long aste Trinde wantaim pasin bilong ples.

Long mekim olsem em i kilim moa long 30 pik long amamas wantaim ol manmeri husat i kamap long Stedum.

Ol manmeri i sanapim wan wan ol tent long makim provins bilong ol na Dipatmen ol i kam long em.

I olsem Oro provins tent em Ombudsmen Komisen na MRDC husat em ol steturori bodi na Helt na Komyuniti Dvelopmen Dipatmen i lukautim.

Wankain olsem long Milen Be we NBC, Spots Komisen, NEFEC na Fainens i lukautim. Dispela I bin wankain i inap long Autonomus Bogenvil Gavman we Telikom, Pos PNG, Pangtel na Komyunikesen we i bin lukautim.

Dispela program i stat long Trinde foa (4) kilok moning we i

lukim kamap bilong ol sekyuriti fos olsem ami, polis na koreksenal sevis.

Ol Minista husat i kamap namel long foa kilok na 6 kilok program em Deputi Praim Minista Dokta Se Puka Temu na Philemon Embel, Minista bilong Spots na Minista husat i helpim Praim Minista.

Dispela program i go inap long 8 kilok.

Program i stat gen long 10 kilok moning we Spika bilong Palamen Jeffery Nape i tokaut long dispela

plen long Palamen.

Long 11 kilok buk wem plen i stap long en i Lusim Palamen i go long Se John Guise Stedum.

Long 15 minit I go bilong bungim wan kilok (12.45) Praim Minista Se Michael Somare i go long Stedum na long 10 minit I go bilong bungim wan kilok (12:50) Gavana Jenerel Se Paulia Matane i go long Stedum.

Long wan kilok (1:00) avinum Se Michael i kisim plen long Gavana Jenerel Se Paulias Matane.

Long 1:15 avinum Praim Minista i ritim toktok bilong em long plen.

Long 1:25 Se Michael i givm plen long ekting sif seketeri Manasupe Zurenouc .

Ol manmeri i singsing tumbuna inap long hap pas tri (3:30pm) we i lukim pinis bilong amamas bilong dispela de.

Klostu olgeta Dipatmen, steturori bodi na ol manmeri long praivet sekta na strit i kamap long lukim dispela longsing.

BANK WITH SMS BANKING AND WIN COMPETITION

Apply for SMS Banking today; use SMS Banking and you're in the draw to win. New and existing SMS customers - this is your chance to share in up to **K50,000!**

Weekly Draws:

- 10 Winners of K500 prize in bonus weekly draw
- Weekly draws on Fridays starting 20 Nov to 18 Dec

Grand Draw:

- 5 Winners of K5000 prize in Grand Prize Draw of K25,000
- Draw on 24 Dec

Simply bank using SMS Banking by using any of the services: Transfer money; check account balance; check recent transactions; using your mobile phone and get the chance to win!

With SMS Banking you can bank ANYWHERE, ANYTIME AND the more you use SMS Banking, the more chances to win a share of over K50,000!

APPLY for SMS BANKING NOW, USE SMS BANKING NOW for your chance to be in the draw to share in the December Grand Cash Prize of K25,000.

♥ SMS Banking

♥ your bank



Competition starts 17 November - 24 December. Open to all BSP retail customers, new or existing, who use SMS Banking. Winners will be contacted and asked to present identification at their nearest BSP Branch. BSP staff members exempt from this promotion.



BLESIM: Modereta bilong Yunaitet Sios long PNG, Revren Samson Lowa i blesim PNG Vision 2050 plen buk long bikmoning antap long Indipendens Hil pastaim long ol i karim i go sidaunim long Haus Palamen long Trinde moning. *Poto: Neville Choi*



KARIM: Ol yangpela sumatin makim wan wan hap bilong kantri i karim PNG Vision 2050 buk i lusim Indipendens Hil na go long Haus Palamen. *Poto: Neville Choi*



TENKYU: Tupela man i makim opis bilong Spika i kisim PNG Vision 2050 buk long ol sumatin na karim i go insait long Palamen Haus Semba bilong wetim sindaun bilong Nesanel Palamen long givim luksave long en. *Poto: Neville Choi*

Kantri mas stap smat long

Paul Zuvani i raitim

LONG taim 2050 I kam Papua Niugini i mas stap smat, gat save, sindaun gut, helti na amamas. Dispela em driman bilong Nesenel Stratejik Plen (NSP)- 2010 i go long 2050.

Papua Niugini i mas stap long namba wan 50 ples insait long 148 kantri long wol.

Dispela em toktok bilong Praim Minista Se Michael Somare long taim em i lonsim plen long Se John Guise Stedum, Mosbi long aste Trinde 18 Novemba, 2009.

"Mipela bai stap long namba wan 50 kantri long Yunaited Nesen Dvelopmen Indeks long 2050."

"Dispela i min mipela inap kamapim ol samting we i givim sans long ol wokman na nesenel edvesmen wantaim wok bilong iekonomik gro, gat save bilong wokim ol samting, gat na kisim ol gutpela sevis na lukim olsem olgeta samting i kamap stret na we nogat wanpela manmeri i sot long ol samting na olsem olgeta manmeri i amamas long stap bilong ol," Se Michael i tok.

Em i tok long las tripela ten (30) yia Gavman bilong em kisim dispela taim na i laik lukluk bek long wanem ol samting i kamap.

Taim em i mekim olsem em i lukim olsem i nogat wanpela gutpela senis i kamap.

Em i bin traim long kamap wantaim wanpela long 1976 tasol dispela i no bin kamap bikos tingting bilong ol Membra long dispela taim i no klia.

Tasol nau em i gutpela taim long kamap wantaim wanpela.

Long dispela as long 2007 aninit long advais bilong Nesenel Plening Komiti Gavman i makim Deputi Praim Minista Dokta Se Puka Temu long go pas long wanpela komiti na kamapim NSP.

NSP komiti em Dokta Kavanamur i go pas long em.

Gavman bai yusim 7-pela rot long kamapim dispela plen:

- HUMEN kapitel Dvelopmen, Jenda, Yut na Pipel Empawamen;
- WELT Kriesen;
- INSTITUSINEL Dvelopmen na Sevis Deliveri;
- SEKYURITI and Intanesenel Rilesens;
- ENVAIRONMENTEL Sastenibiliti na Klaimet Senis;
- SPIRITUEL, Kulturel na Komyuniti Dvelopmen na
- STRATEJIK Plening, Integresin na Kontrol. Wantaim dispela ol rot Gavman i laik:
- SENISIM na strongim tingting bilong ol man-

meri olsem ol i tingting gut;

- MANMERI i gat gutpela na strongpela tingting bilong wok politik;
- MANMERI inap long menesim na lukautim gut ol samting;
- WOK manmeri i givim gutpela sevis long ol pipel;
- OL manmeri i sindaun gut olsem nogat hevi bilong lo na oda;
- OL manmeri i gat gutpela tingting na pasin na
- MANMERI inap long luksave long save na strong ol i gat long en na i no askim tumas long kisim helpim long ol i mekim ol samting.



SIEF KISIM: Gavana Jeneral Gren Sif Se Paulias Matane i givim buk long han bilong Praim Minista Gren Sif Se Michael Somare long soim pinis bilong wok-about bilong dispela buk i gat plen i makim wokabout bilong PNG i go long yia 2050.

Poto: Nicky Bernard



KISIM: Deputi Praim Minista Se Dokta Puka Temu i kisim Vision 2050 buk na redi long kisim i go givim long Praim Minista Se Michael Somare. Poto: Nicky Bernard

"the world in your pocket"

Features:

- 3 mb speed
- CDMA ver 2 tech
- wireless broadband
- plug & play

For enquiries contact 323 4444

Laki man!



WINMAN: Boroko Motors i bin gat wanpela promosen bilong ol Isuzu trak bilong ol na Rickson Apenda, wanpela man Mendi, i bin winim. Mista Apenda i bin raun i go long kisim prais bilong em na wanpela menesa bilong Boroko Motors Maun Hagen, Leo Kuringi, i bin givim ki bilong dispela kar long em.

Gavman i mas inapim promis ol i mekim: Madang papagraun

Michael Novingu i raitim

OL KAMKABE kakau fama long Bogia, Madang provins, i askim gavman long inapim promis ol i mekim long peim ol fama long mani ol i no mekim long taim Kakau na Kokonas Industri (CCI) i katim daun ol kakau bilong ol long rausim sik kakau pod bora .

Mausman bilong Kamkabe Kakau Famas Asosiesen, Paul Fuzo, i tokim Wantok Niuspepa long Madang olsem gavman i promis long peim ol kakau fama long bagarapim kakau bilong ol.

Em i tok gavman i no peim ol yet olsem na ol bai kisim gavman i go long kot long ol

lusim bisnis.

Mista Fuzo i tok gavman i yusim stronpela marasin, katim daun ol kakau i gat sik long stopim sik kakau pod bora, tasol sik i no pinis yet na i wok bagarapim kakau bilong ol na ol i kisim taim nogut.

Em i tok PNGCCI na Madang Provins Gavman i abrus long karimaut wok bilong ol long helpim manmeri bilong Bogia na nau sindaun bilong manmeri i bagarap.

Mista Fuzo i tok dispela hevi em i kisim i go long Madang provins didiman opis, gavana bilong Madang, na memba bilong Bogia i lukautim wok bilong didiman John Hickey, tasol nogat gutpela bekim i kam bek long helpim ol manmeri

bilong Bogia.

Mista Fuzo i tok gavman i makim bagarap long kakau bilong ol long mani mak olsem K1.3 milion long peim ol long lusim bisnis. Em i tok sapos nogat, ol bai kisim gavman i go long kot long bagarapim kakau bilong ol.

Mista Fuzo i no wanbel long gavman i peim planti mani long stretim sik bilong kakau long Is Nu Briten provins na bilong wanem gavman i no inap stretim kakau bilong ol manmeri bilong Bogia.

Sapos gavman i no helpim mipela, bai em i kilim i dai K30 milion kakau industri long Madang provins long kisim sik kakau pod bora i go long 6-pela distrik bilong Madang provins.

Nogat as moa long pait o holim rot-blok long Bogenvil

Veronica Hatutasi i raitim

BAI i nogat as moa long holim rotblok o pait long Bogenvil, Otonomes Bogenvil Gavman presiden, James Tanis i tok.

Em i wokim dispela toktok bihainim namba wan bel isi na sekan pasin ol i bin wokim long Panguna i no longpela taim i go pinis.

Wok bilong kamapim bel isi na sekan pasin long Bogenvil bai i go het long stretim ol lain i bin birua, bagarap na dai i bin kamap long Bogenvil long taim bilong hevi. Na sampela long ol bikpela eria long Bogenvil bai bel isi na sekan pasin bai kamap em long:

- Panguna namel long ol family bilong Mathew Kove

na Severinus Ampaoi i kamap pinis tupela wik i go pinis long famili level;

- Ol Panguna papa graun we ol olupela na nupela Panguna papagraun asosiesen bai sekan, tasol ol i mas wokim ileksen bilong ol eksekutiv bilong ol nupela (Panguna) asosiesen;
- Namba wan Primia bilong Bogenvil bihain long hevi, Theodore Miriung long 1996 ol BRA na PNG Difens Fos i bin toktok wantaim na kilim dai em;
- Long ol distrik na i stat wantaim keis bilong nau i dai Tony Anugu, wanpela lidaman bilong Siwai, sautwes Bogenvil ol Bogenvil Revoluseneri Ami i

bin kisim i go long Panguna long yia 1992 wantaim narapela tripela bikman na kilim ol i dai. Na ol arapela moa.

Otonomes Bogenvil Gavman presiden, James Tanis i tok Panguna we hevi i bin stat i soim rot long kamapim bel isi na sekan pasin na nogat moa man long Bogenvil bai holim gan long pait o wokim rotblok.

"Nogat man long Bogenvil bai yusim independens na Panguna olsem as long skruim paot na wokim ol rotblok. Mi amamas long ol bel isi pasin i kamap long ples we Bogenvil hevi i bin stat. Dispela wok long kamapim bel isi i bin stat isi long sait wantaim A kampani long



TRANSPOT: Raun long dingy em i narapela bikpela rot we ol manmeri long Bogenvil i save raun.

Hia em ol ples bilong Kokopau i raun long dingy. *Poto: Veronica Hatutasi*

1998, Damien Damen, na ol Panguna papagraun long famili level . Tasol bikpela wok moa i stap yet," Mista Tanis i tok.

Em i tok bel isi long Panguna i stat bilong pinisim ol hevi na em i kliarim ol lain eks paitman long Panguna

bilong noken holim ol gan, rausim no go zon na muv fowet.

Mista Tanis i askim olgeta stekholda long skruim wok bilong kamapim bel isi na sekan pasin na long ol lida bilong noken pilai politikis long dispela.

Em i tok ol dispela wok o no bilong mekim mani, tasol i bilong bildim ol gutpela wok pren namel long nesenel gavman, ol Mekamui, ol Panguna papagraun, ol pablik sevan, ol sios, ol komuniti na pipel.

Bugandi Sekenderi skul long Lae kisim skul fi mani

Bustin Anzu i raitim

DISPELA sek mani em Fainens na Treseri Minista Patrick Pruaitch i givim bihain long namba 43 greduesen bilong skul tupela wik i go pinis.

Minista Pruaitch i givim dispela K3milien sek mani bilong rihabilitesen edukesen sekta infrastraksa o RESI (rehabilitation education sector infrastructure) i go long siaman bilong skul bod Benson Suwang na

ekting Prinsipol bilong skul, Chris Raymond.

Minista i tok planti skul i wok long wetim dispela mani yet.

"Planti skul i wetim dispela RESI mani bilong ol yet we ol i wok long wokim deposit yet," em i tok.

Minista i kisim de ov bihain long em i wokim bikpela redi bilong 2010 baset long palamen na kam aut long bringim dispela mani bilong skul na soim sapot long skul.

"Sapos yu skul gut, yu bai mekim

skul gut na kamapim planti ol gutpela disisen bilong kantri long bihain taim," em i tokim ol sumatin.

Planti bilong ol toktok bilong em long dispela graduesen em long Medium tem developmen streteji o MTDS (Medium Term Development Strategy) na long mekim dispela toktok, em i tokim ol sumatin husait bai i nogat moa sans long skruim save bilong ol.

"Planti bilong yupela nau bai i go bek long ples na joinim ol lain bi-

long yupela. Tasol taim yupela i go, gavman bai tingim yupela pinis.

"Taim edukesen em i kamap namba wan prairiti bilong dispela gavman nau aninit long MTDS, planti bilong ol sumatin husait i wokim gut bai kisim gutpela o kwaliti edukesen. MTDS tu igat bikpela bilip long givim skul igo long planti manmeri husait i no save rit na rait long ples," em i tok.

Gavman i gat strongpela tingting long stretim edukesen sistem long

wanem, ol bai wok aninit long dispela MTDS long wok igo long dispela bikpela multi-bilien kina LNG projek long kantri.

"Long ol dispela bikpela samting, yupela mas igat gutpela tingting na save long ol dispela bikpela wok i laik kirap," em i tok.

Em i tok gavman i laikim ol pipol long kamap patna long lukim ol dispela wok developmen na ol i noken sanap na lukluk tasol.

Pasin tumbuna em strong

bilang PNG

...Nupela buk long tumbuna musik bilang ol Kaulong


Veronica Hatutasi i raitim

i pinisim skul long Yuni- vesiti bilang Oklen (Auck- land) long Nu Silan (New Zealand).

Mista Niles taim em i tok tenkyu long Mis Dup- pel long gutpela wok bi- long em long helpim lukautim pasin tumbuna long sait bilang musik long PNG, i tok dispela nupela buk i givim yumi sans long save long ol pasin tumbuna bilang PNG.

IPNGS i hap bilang Nesenel Rises Institut (NRI) na wok bilang en em long karimaut ol wok glasim long ol samting i sut long pasin tumbuna na musik bilang ol man- meri long PNG. Long taim institut i kirapim wok bi- long en long 1974, em i kamapim 250 pablikesen o ol wok i sut long tum- buna musik na pasin tum- buna ol i raitim long ol buk.

Mista Niles i tok nau,



KALSA KILIM PNG! Dairekta bilang Nesenel Kalserek Komisn, Dokta Jacob Simet, na Mista Niles i autim dispela nupela buk i gat stori long tumbuna musik bilang ol Kaulong manmeri bilang Wes Nu Briten. *Poto: Veronica Hatututasi*

bikpela tingting bilong institut em long mekim ol manmeri long PNG i skruim save long ol music na pasin tumbuna taim ol i ritim ol dispela buk. Na tu, harim ol singsing sampela i stap

pinis long ol CD. Em i tok wanpela rot em long givim ol buk i go long ol skul long kantri. Long mun Ogas long dispela yia, mipela i givim aut 5-pela fri buk mani mak long baim inap long

K12,000 i go long 235 sekondari skul long kantri. Mipela i wokim dispela aninit long Kurikulum na Asesmen Divisin bi- long Edukesen Dipatmen husat i gat wok olsem ol dispela buk i go aut long

ol skul, em i tok. Mipela i laikim bai ol sumatin bai i ritim ol dispela buk na laik bilong ol long wokim ol wok glasim long musik na pasin tum- buna na raitim ol ripot o stori o buk long ol. Mipela

bai amamas tru sapos dispela i kamap long wanem bai wok bilong mipela long wokim ol wok glasim na putim i go long buk na bihain, givim aut fri i go long ol skul bai i gut- pela, Mista Niles i tok.

Westen Hailans bai amamasim Wol AIDS De

Paulus Tali i raitim

WESTEN Hailans bai amamasim Wol AIDS De long Disemba 1 na nau, Westen Hailans HIV/AIDS opis i mekim ol wok redi.

Man i lukautim Provinsel HIV/AIDS opis na kodineta, Apollos Imbak i tok provins bai kolim ol selebresen long tingim ol dispela lain i dai pinis long AIDS na tu skruim ol wok awenes na ol arapela program i sut long HIV/AIDS long tripela ples o distrik. Em long Jiwaka, Tambul na Hagen yet.

"Long ol dispela program, bai yumi tingim ol narapela pipel i dai pinis long sik AIDS. Planti taim, ol manmeri i save tok Westen Hailans em i ples bilong sik AIDS," Mista Imbak i tok.

Mista Imbak i tok nau ol i mas wokbung wantaim long kariamut program bilong AIDS long strongim ol nara- pela i mas stap gut na noken kisim dispela sik.

Het Tok bilong Wok AIDS De em, "Make HIV/AIDS Preventable and Sustainable".

OL UPNG 'Peer' eduketa kisim sapat long UNFPA

Veronica Hatutasi i raitim

OL "Peer" eduketa long Yuni- vesiti bilang PNG (UPNG) o ol lain i save skulim ol narapela wanskul o wan krismas o poro- man i ken karimaut gut wok bi- long ol na tok tenyu long Yunaitet Nesens Populesen Fan (UNFPA).

UNFPA i bin givim wanpela 15 sita bas i go long ol peer eduketa long UPNG las wik bi- long sapatim ol long ol riprodak- tiv na seksual helt program bi- long ol. Dispela em ol program ol i karimaut ol wok na awenes long ol bodi bilong man na meri, wokim pikinini na ol samting

olsem.

Mani ol i baim bas long en em mani we UNFPA i save givim olsem grant mani olgeta yia bi- long sapatim projek na ol pro- gram ol peer eduketa sumatin i karimaut stat yet long yia 1997. UNFPA i save givim teknikel sapat i go long 50 sumatin long UPNG we i kisim trening olsem ol peer eduketa.

Nupela bas bai helpim tru program ol peer eduketa i mekim long ol skul insait long Nesenel Kapitel Distrik (NCD), ol setelmen na ol ples klostu.

Ol i bin statim UPNG peer edukesen projek bihain long

planti sumatin meri long kem- pus i kisim bel na tu, sampela ol yangpela sumatin i gat binatang bilong AIDS. Dispela program i save givim tu awenes long stopim vailens o pasin bilong bagarapim ol meri na ol sumatin i ken kisim laip skul trening na strongpela toktok long i gat helti tingting, bodi na seksual laip.

Vais sansela bilong UPNG, Profesa Ross Hynes, i tok dispela bas bai givim bikpela sapat long gutpela wok ol peer eduke- ta i mekim.

Wanpela liklik seremoni i bin kamap long UPNG long givim dispela bas i go long UPNG.

Dokta Gilbert Hiawalyer i bin makim UNFPA na givim bas i go long Profesa Hynes.

Dokta Hiawalyer i bin tok UNFPA i sapatim peer eduke- sen wok long lukim olsem ol i skruim dispela program i go long ol sumatin na pablik insait long Mosbi siti.

Dairekta bilong UPNG Sumatin Welfea na Develop- men, Garu Peni, taim em i autim tok amamas bilong em long UNFPA long givim bas i bin tok dispela bai i helpim tru ol sumatin peer eduketa long kari- maut na skruim ol wok na pro- gram bilong ol.



I kam long las wik...

2. Kalap i go daun

LONG namba wan traim, Jisas i soim em i bilip tru long bikpela. Nau satan i grisim em long sanap antap long Tempel na kalap i go daun. Dispela tempel em i antap tru. Na em i 100 mita samting i go daun long graun. Sapos Jisas i kalap i go daun na em i bagarap, orait satan bai i amamas tru.

Sapos Jisas i kalap i go daun na i no bagarap, ol man meri bai i amamas na kirap nogut. Tasol Jisas i save, dispela kain bilip bilong ol manmeri i no inap stap longpela taim. God i no makim dispela rot long bringim ol manmeri i kam bek long em.

God i bin makim Jisas bai i dai long diwai kros, na long dispela rot tasol bai god i kisim bek ol manmeri. Jisas i tok, "Bai ol i litimapim mi (long diwai kros), na long dispela taim bai mi pulim olgeta man meri i kam long mi" (Jo 12: 32).

Jisas i save, God i no tokim em long kalap i go daun. Sapos Jisas i kalap i go daun, em i no bihainim tok bilong God, em i traim God, na bai em i mekim sin.

3. Lind daun na lotu

Bipo tru satan i bin mangal long glori na pawa bilong God. Nau em i traim Jisas long dispela rot tu. Em i soim Jisas olgeta kingdom bilong dispela graun, na i tokim jisas. "Sapos yu brukim skru na lotu long mi, orait bai mi givim yu olgeta dispela samting". Tasol jisas i no harim dispela gris bilong satan. Em i tok, "Satan yu klia! Buk bilong God i tok, 'Yu mas aninit long God, Bikpela bilong yu. Na yu mas lotu long em wanpela tasol' (Mt 4: 10).

Jisas i winim olgeta traim bilong satan

Satan i yusim dispela traim yet. Planti taim em i grisim yumi man meri long kainkain biknem na mani na bilas bilong dispela graun. Sampela i bihainim ol dispela samting na ol i lusim tok bilong bikpela, olsem na baibel i tok. "Yupela i no ken laikim pasin bilong graun na olgeta samting bilong graun, em pasin bilong bel kirap na aigris na bikhet, ol dispela pasin i no kam long papa. Nogat. Ol i pasin bilong graun tasol". (1 Jo 2: 15 - 16).

Yumimas mekim olsem Jisas i mekim. "Yupela i mas sakim tok bilong Satan, na em bai i lusim yupela na ranawe" (Je 4:7).

■ Lukim moa long wik bihain...

Ol meri wokabaut autim tok bilong God long Arawa

Veronica Hatutasi i raitim

OLMERI long ol sios long Papua Niugini (PNG) i wok strong long karim tok bilong God i go aut long ol narapela manmeri.

Maski ples ol i laik autim tok i stap longwe, o ples i stap long hevi, ol dispela meri i save putim wokabaut bilong ol i go long han bilong God na go tasol.

Wanpela piksa long dispela em wanpela Yunaitet Sios meri grup bilong Lae insait long Morobe provins husat i bin go olgeta long Arawa na autim tok bilong God long Arawa, Konau na ol ples klostu.

Las mun samting olsem 54 meri bilong ol kongrigesen long ol Yunaitet Sios long Kasowari, Malaita, Taraka, Wau, Bulolo na Yunitet, i bin kisim balus i go long Buka, na tupela trak na 4-pela awa ron i go long Arawa we bikpela program bilong ol i bin kamap insait long wanpela wik. Bihain long Arawa, ol i bin go bek long Buka na stap wanpela wik gen long Petats Ailan, wes Buka, we ol i bin karimaut ol program bilong ol.

Ol meri i bin amamas tru long go lukim ol meri na man, pikinini, long Arawa na pre na toktok wantaim ol long tok na laikim bilong God.

Ani Kwila bilong Malaita Yunaitet Sios mama



GUTPELA BOGENVIL WOKABAUT: Ani Kwila long Buka ples balus i wet wantaim ol arapela mama long kisim balus i go bel long Lae. Foto: Veronica Hatutasi

grup i bin wanpela long ol meri husat i bin go wantaim dispela grup. Em i namba wan taim bilong dispela mama bilong Westen provins husat i stap long Lae long go long Bogenvil. Tasol em i amamas long raun bilong em na i tok ol manmeri

pikinini long Bogenvil i gat strongpela bilip na i hangre long tok bilong God.

"Maski em i ren planti, dispela i no bin stopim mipela tasol mipela i go aut karimaut program. "Lewa bilong mi i bin kirap tru long lukim na harim

strongpela bilip na we ol manmeri i pre. Ol i hangre tru long tok bilong God," Misis Kwila i tok.

Em i tok ol meri i bin lukim han bilong God i wok na lukautim ol long wokabaut bilong ol. "Maski rot i go long Arawa i longpela, planti

wara, sampela hap long rot i no gutpela, mipela i lukim han bilong God i wok. Taim mipela i stap long Arawa, mipela i bin inap long i go long sampela hap nogat ausait minista o ol meri grup i save go," Misis Kwila i tok.

Skruim bel isi wok

Veronica Hatutasi i raitim

WOK bilong bel isi na painim gutpela sindaun long Bogenvil i go het na Katolik Sios long ailan i wok wantaim ol manmeri long skruim dispela wok long planti hap.

Long Buin, saut Bogenvil, Turiboiru Peris i wokbung wantaim Kaunsil bilong ol Sif na ol bipo lida bilong paitman long painim gutpela sindaun. Na ol i strong long karimaut ol wok awenes.

Ol biknem bipo paitman Thomas Tarii na Peter Naguo i wok wantaim ol peris grup we i gat ol sios woklain na ol Katekis.

Wantok Niuspepa i kisim ol ripot olsem ol i brukim ol yet long tupela grup na go aut karimaut ol awenes long ol Kaunsil bilong ol Sif (COE) hap.

Long namba wan grup, Mista Tarii i wok wantaim sampela peris woklain long karimaut ol awenes long pasin bel isi pasin, sekan na lusim ol na ol narapela samting bilong pait long ol ples olsem Baubake COE na Buin taun. Namba tu grup i gat long em Mista Naguo na ol peris woklain i go aut na toktok wantaim ol wanwan grup olsem ol U-Vistrak lain, Mekanui, Bogenvil Fridom paitman, grup bilong Wilmo na Wisai Fridom Muvmen. Ol wok long dispela i bin stat long Epril 3 long dispela yia.

yurop i sot long pikinini

Ol Haphap Sios Nius i kam long Zenit Vatiken Nius Ejensi

YUROP (Europe) i bungim hevi. Olgeta yia ol pikinini i save sot. Nau na i gat moa ol manmeri husat i gat 65 krismas na i go antap. Tasol ol pikinini husat i gat 14 krismas na i go daun i sot. Wanpela ripot bilong Institut bilong Famili Polisi bilong Vatiken i tokaut long dispela. Ripot i tok olsem insait long 28 yia nau, dispela hevi i kamap bikpela. Ol meri i no wok

long karim pikinini long wanem planti i laik wok na i no tingting long marit hariap na i gat family. Ol narapela meri i katim rausim ol bebi bilong planti marit i bruk na nogat ol haus na famili em ol hevi ol kantri long Yurop i bungim long sait bilong famili laip, na nau, ol i sot long ol pikinini.

PLANTI pater i wok long bungim birua na dai long kantri Brazil long Saut Amerika (South America). Insait

long las 5-pela mun, 4-pela em ol sampela lain i kilim. Long dispela wik, sampela lain i kilim dai wanpela moa Katolik pater. Ol ripot i tok ol yangpela man namel lon i wok long kilim ol pater. Asbisop long Brazil i tok ol kleji na manmeri wantaim i kirap nogut stret long ol dispela dai bilong ol pater. Polis i wok long mekim ol wok painim long ol dispela dai.

SAPOS yu wokim plen bilong yu long wanem ol samting yu

bai baim long dispela krismas, tingim tu long baim wanpela musik albam ol i kolim "Alma Mater: Music from the Vatican" em nau hetman bilong Katolik Sios long wol, Pop Benedict 16, i singsing long em. Dispela nupela musik albam bai i kamaut long pinis bilong dispela mun. Kwaia bilong Fokhamonik Akademi bilong Rom ba Royel Filhamonik Okestra i singsing wantaim pop husat ol i tok em i ken singsing gut stret.

Polismeri Joyce save laik long helpim ol meri

Veronica Hatutasi i raitim

taim em i stap long malolo bilong em.

Joyce i singautim mi i go long liklik opis em i gat na i save yusim long helpim ol meri, yangpela manmeri na na ol pikinini husat i gat ol famili hevi. Ol hevi olsem ol man i dai long Bogenvil hevi na ol i lusim meri na pikinini tasol i stap. Ol meri husat ol man bilong ol i lusim ol wantaim pikinini na i kisim ol nupela meri. Na ol meri na pikinini husat papa i paitim na bagarapim ol olsem reipim ol.

Joyce bilong Buka Ailan i wok olsem polismeri 25 yia bihain. Nau em i sinia polis konstabol long Buka. Bihain long greduesen long 1984, em i bin wok long Hagen 7-pela yia. Bihain, em i go long Buka na stap olgeta long hap. Long 2005, em i bin namba

wan polismeri long Bogenvil long i go wok wantaim RAMSI long Solomon Ailans. Long 2007, Joyce wantaim narapela 6-pela narapela polis opisa i bin kisim luk-save o awot long PNG gavman long gutpela wok ol i mekim long polis servis.

Long yia 2003, ol i kirapim Komyuniti Polising long Bogenvil. Joyce i bin wok wantaim ol AusAID savemanmeri long Bogenvil long dispela hap. Em i skruim wok i go na nau em i wok wantaim komyuniti long stretim ol lo na oda hevi.

"Long wok bilong mi, mi helpim planti ol meri, yangpela manmeri na pikinini husat i bungim hevi bilong famili. Mi wok-bung wantaim ol narapela grup husat i gat wankain

tingting olsem mi long helpim ol dispela lain," Joyce i tok.

Dispela wok bilong Joyce i no save pinis. Maski em i stap long wanpela yia malolo bilong em nau, em i kirapim dispela liklik opis long Buka yet em i kolim long Questnet na mekim wok i stap long helpim.

Taim mi stap long wanpela yia malolo, mi kirapim Questnet wantaim malolo mani bilong mi long mekim ol liklik wok long kisim mani na ronim opis. Ol liklik wok olsem sanapim intanet na potokopi samting na ol manmeri i laik yusim i peim fi, em ol samting ol manmeri i laikim. Mi kisim tu wanpela opis meri long helpim mi long lukautim opis, Joyce i tok.

Taim mi stap long malolo,

mi skruim yet wok long helpim ol dispela lain mi save laik helpim stret na i save helpim oltaim, em i tok.

Em i tok driman bilong em long yia 2005 yet em long statim wanpela asosiesen bilong ol mama long Bogenvil husat i nogat man.

Joyce i tok em i mekim olgeta wok pinis long kamapim dispela driman na em bilip olsem bai ol i rejistaim asosiesen na kirapim wok tru long neks yia.

Joyce i tingting planti namel long wok bilong em olsem polismeri na dispela wok em i kirapim long helpim ol lain, tasol em i tok em bai go bek long wok polis taim malolo bilong em i pinis. Tasol dispela wok bilong helpim ol lain bai i go het yet.



HELPIM: Joyce i holim medol em i kisim we gavman i luk-save long wok bilong em long polis. Em i wok i stap long opis em i save helpim ol lain long en. *Poto: Veronica Hatutasi*

Raun Lukim ol Meri na Pikinini



OL NAMBA WAN KLAIMET SENIS REFUJI: Sampela Katerets Ailan famili i stap long Buka i redi long go lukim ol lain bilong ol long hap ol i stap long en nau long Tinputz.



RAUN: Ol dispela yangpela bilong Kokopau i laik raun i go long Buka Ailan.



GADEN: Noken ting olsem dispela em gaden long ples. Nogat. Em gaden bilong famili long piksa i stap long baksait bilong haus long biktaun Mosbi. Ol traipela banana na ol kumu samting i kamap gut tru.



MARIA I STAP NA STRONGIM NEW DAWN: Gutpela sapot bilong Maria Laukai long man bilong em Aloysius i mekim nupela praivet FM stesen long Bogavil. *Ol PotoS: Veronica Hatutasi*

Appolonia wari long Katerets Ailan bilong em

Veronica Hatutasi i raitim

MERI Wantok i bin bungim wanpela meri Katerets (Carterets Island) Ailan long Buka i no longtaim i go pinis na stori wantaim em.

Appolonia Pesini husat i wok long Kuri Vilis Risot long Buka em dispela yangpela meri Katerets husat Meri Wantok i bin bungim taim em na ol narapela wantok bilong em i wok long go amamas wantaim ol wantok bilong ol i stap nau long Tinputz. Dispela em long ol namba wan Klaimet Senis refuji long wol husat ol atoriti long Bogenvil i painim wanpela hap bilong ol long wanpela plantesen bilong Katolik Sios long Tearouki, Tinputz.

Appolonia i wari long ailan na ol manmeri bilong em tasol em i lukim olsem lusim ailan na go sindaun long bikples Bogenvil bai lukim ol manmeri i stap gut na i no dai long ol hevi bilong solwara na win ren olsem long Katerets.

Appolonia i tok ol kamda i wokim moa haus tasol nau yet, tupela famili i stap pinis long nupela ples bilong ol Katerets lain i stap long en long bikples Bogenvil. Neks yia bai moa famili i go stap long dispela ples.

"Mi save wok na stap long Buka. Tasol bihain long tripela yia, mi bin go long ples na lukim olsem bikpela senis i kamap. Solwara i karim



bikpela hap bilong ol ailan i go. Long 15 yias i kam, planti ol liklik ailan long Katerets ailan grup bai i lus," Appolonia i tok.

Em i tok ol pipel bilong mi bai senisim laip bilong ol taim ol i kam sindaun long bikples Bogenvil. Dispela em long wanem laip long bikples i narakain long laip long liklik ailan. Long ailan, hap wok em long painim pis tasol long bikples, bai ol

lain bilong mi i lain long mekim gaden na wok. Bai em i gutpela na nupela samting long ol pikinini na yangpela long lainim ol nupela samting olsem wokim gaden na ol narapela samting moa," Appolonia i tok.

Em i tok ol lapun long ailan i les long lusim ailan na ol i tok olsem ol bai stap bek long wanem em ples we ol i kamap bikpela.

WANTOK
KOMENTRI

Manimak mas i gat savemak

EM I kamaut pinis. Mani plen bilong 2010 we bai skelim gut olgeta wok gavman bai mekim long strongim sindaun bilong kantri bilong yumi.

Planti bikpela tok luksave i wok kamap long dispela mani plen we em i wanpela bikpela mani plen tru we kantri i no lukim bipo.

Bikpela hap bilong dispela mani plen, em ol saveman bilong fainens na tresari i kamapim bihainim tingting long sanap na ron gut bilong bikpela Likwifait Netseral Ges (LNG) projek we gavman i bilip bai go het gut klostu.

Mun Desemba nau bai toksave sapos dispela projek bai go het yet.

Bilip bilong gavman long dispela projek, em Tre-sera Patrick Pruaitch i tokaut pinis olsem i no bilip nating.

Tasol, em i samting bilong lukluk bihainim nau sapos gavman i ken stiaim yumi bai yumi ken bihainim gut dispela mani plen.

Wanpela samting em i klia. Baset em i plen tasol. Em i samting we ol saveman bilong gavman i ting bai kamap. Em i mani ol i ting kantri bai kisim long olgeta rot em i save kisim winmani bilong en, na tu, em i save skelim tu olgeta rot we kantri bai tromoi mani long en.

Long sait bilong strongim sanap na wok bilong ol provins na distrik, luksave i strong moa.

Ol gavman opis tu i kisim gutpela luksave anit long dispela mani plen. Planti nau bai gat mani long haiarim moa wokmanmeri, na baim samting bilong strongim wok bilong ol.

Tasol yumi noken aipas long ol hevi bilong yumi i stap yet.

I gat strongpela tingting olsem gavman i mas stretim sindaun bilong pablik sevis, bai i gat rot na save bilong skelim gut mani kantri bai kisim long neks yia na i go.

Sapos pablik sevis i nogat inap strong long mekim dispela, bai ol lain turangu bilong yumi bai stap wankain yet, na ol ris man bai inap long haitim na stilim moa mani bilong pipel.

Insait long dispela wanpela wik, gavman i givim strongpela toksave i go aut, olsem em i laik senis. Em i laik senisim tingting, wok pasin na sanap bilong em. Dispela em i soim wantaim bikpela lonsim bilong PNG Visin 2050. Em i plen we gavman i bilip, bai senisim kantri na strongim em long mak we em bai inap lukim gavman sevis i go long olgeta manmeri bilong yumi.

Nau em i taim bilong gavman long strongim dispela bilip bilong em. Bilip nating bai no inap long karim kaikai. I mas i gat ol manmeri i gat bel na savemak bilong karim ol wok bilong Baset 2010 na PNG Visin 2050 i go het.



Mani pulap kapsait long PNG
...tasol nogat kaikai bilong em

PAPUA Niugini bai lukim planti mani tru bikos long ol kainkain bikpela projek na ol wok we bai kamap.

Ol dispela bikpela senis bai pulim planti mani kam insait long kantri na tu pulapim poket bilong planti manmeri insait long kantri.

Dispela wik Palamen i kamapim bikpela nesenel baset bilong kantri na dispela baset tu em mani plen bilong kantri long kamapim wok na divelopmen insait long neks yia 2010.

Dispela inap mekim Papua Niugini olsem wanpela ris o mani kantri insait long Saut Pasifik, bikos em gat planti gol, kopa, oil, ges, kopi, kopra, oil pam, kabon treding, pis blong solwara na planti samting moa.

Taim ai na ia bilong mipela i pulap long harim na lukim planti mani na ol bikpela wok bai kamap, husat tru bai go pas long lukim olsem ol dispela



mani bai kamapim stret laik na wanbel bilong yumi ol pipel bilong dispela kantri?

Mani bai kam na go long poket tasol na tromoi long dring bia na spak o pilai poka masin o baim meri o tromoi go long ol famili bisnis na ol kainkain hait bisnis nabaut o bai yumi lukim mani kam long kamapim ol wok na sevis yumi save sot long en olgeta taim long laip bilong yumi?.

Lo na oda em bikpela hevi tru long kantri bilong yumi bikos planti yangpela i nogat wok na ol stap nating na kamapim planti trabel tumas. Bai gavman i yusim ol dispela mani na kirapim ol bisnis na projek bilong pulapim ol yangpela go insait na mekim na sin-

daun isi o nogat?

Planti pikinini moa bai pinis long gret 10 gret 12, na ol yuni-vesiti na bai nogat wok olsem na inap gavman kamapim moa teknikel skul bai ol dispela skul lain ken lainim ol teknikal wok olsem kapenta, welding, plamba, elektrisen, agrikalsa na arapela moa. Dispela inap mekim ol ken lainim long helpim ol yet na kamapim moa wok bilong ol yet.

Yumi harim dispela bikpela LNG ges projek tok i nogat inap ol teknikal wokman long PNG olsem na ol bai kisim samting olsem 7000 teknikal woklain long ovasis. Em nau taim bilong skulim ol yangpela bilong yumi long holim ol dispela teknikal wok olsem.

Ol kainkain bikpela sik wok long kilim ol manmeri bilong yumi long ol bus ples bilong yumi bikos nogat gutpela haus sik na ol helt sevis stap. Olsem na stretim ol dispela samting

na salim ol nes na dokta go wok long kain hap olsem long helpim ol manmeri bilong yumi wantaim marasin.

Planti rot go long ol kain bus ples olsem i no gutpela olsem na putim mani na stretim gut ol rot bai haus sik sevis na skul ken kamap gut na ron gut. Ol pablik sevens long ol bus ples ken amamas long wok bilong ol bikos ol ken ron go kam long taun long kisim pei na baim ol samting long stua bilong helpim sindaun bilong famili bilong ol.

Bikpela mani tru bai kam long LNG na ol bikpela projek insait long kantri olsem na larim ol dispela mani go stretim long stretim kantri bilong yumi.

Dispela 2010 nesenel baset mas nau lukluk long trupela divelopmen na sevis bilong helpim gut kantri bilong yumi i ron gut.

Maski nem tasol olsem PNG em ris kantri tasol nogat kaikai blong em. Ol sindaun i bagarap yet.

WANTOK

Published Weekly, Thursday, for Word Publishing Company, Ltd.

P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konge

Editor Neville Choi

Published at Section 56, Allotment 3 Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Plain Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Namba bilong blu fin tuna klostu bai pinis

WANPELA environmen grup nau i bin givim tok lukaut olsem dispela namba bilong ol blu fin tuna pis inap i go pinis olgeta.

Pew Environmen grup i bin tok dispela long wanem wanpela intanesenel miting bilong ol piseris opisal i bin daunim mak bilong tuna ol bot inap kisim, tasol i bin larim moa tuna ol bot i ken kisim long wanem long gutpela prais Japan i save baim.

Ol i tok bihain long miting bilong ol inap long tenpela de, lain Intanesenel Komisin bilong Konsavesen bilong Atlantic Tuna, i no bin laik putim tambu long pipel i go kisim Atlantik Blu Fin Tuna.

Dispela environmen grup bilong Amerika, em nau tasol i bin pinisim kivung long em long Brasil, i bin tok dispela miting i bin putim mak bilong ol tuna pipel i mas kisim long 13, 500 tan.

Dispela mak i daun long olpela mak bilong 19,950 em ol i bin makim long ol i stat bihainim long 2010, em tok orait Yuropien Yunion i bin kamapim long miting bilong ol long mun Epril dispela yia.

Dispela Pew Environmen grup i bin tok i tru olsem dispela nupela mak ol i makim i gutpela tingting, em i no inap long mekim dispela tuna pis i groa gen.

Indonesia i laik rausim ol Sri Lanka pipel i stap long bot

LONG nius bilong ol asailum sika, Indonesia nau i toktok long rausim o salim ol i go bek long ples bilong ol, planti handret ol Sri Lanka pipel em ol i no laik long i go aut long lusim bot em i bin i go sua na anka long wanpela bris long java, inap ol i luksave long ol olsem ol i trupela ol refuji.

Samting olsem 274 maigren bilong lain Tamil, nau i wok long tok olsem ol i no inap go aut long bot em ol i bin holim ol taim ol i bin traim long go long Australia long Oktoba 11.

Wanpela bikipela opisal bilong Foren Afeas bilong Indonesia, Sujatmiko, i bin tok sapos Australia i no bin laik kisim ol na ol i no laik i go aut long bot, ol bai askim Intanesenel Ogenaisesen bilong Maigresin long salim ol i go bek long kantri bilong ol.

Em i tok ol pipel bilong Sri Lanka bai i no nap laikim dispela tingting long wanem ol i pret long i go bek long kantri bilong ol.

Tasol Indonesia i nogat narapela samting moa long mekim long wanem dispela i no ples ol i laik i go long en.

Mista Sujatmiko i bin tok sevenpela maigren em ol i go aut pinis long bot pastaim bai ol i rausim ol



OL REFUJI: Ol lain Sri Lanka i stap yet antap long sip Oceanic Viking, em wanpela Australia Kastoms Sevis patrol sip i anka 14 kilomita ausait long nambis bilong Kijang, Tanjung Pinang long Bintan ailan long Indonesia long Fraide, Novemba 13.
(AP Poto i kam long AAP Images)

long imigresin senta sapos askim bilong ol wantaim Yunaitet Nesens Hai Komisina bilong Refuji i no tok orait long ol.

Dispela liklik kago bot em i bin pulap long ol pipel, ol atoriti bilong Indonesia i bin kisim na bringim em i go sua long bris long Merak long westen sait long Java Ailan taim em i laik ron i go long Australia.

Tonga pro demokrasi muvmen i welkam long senis

OL i ting Palamen bilong Tona bai miting dispela wik long lukluk long wanpela tingting long sampela askim olsem i mas gat bikipela senis i mas kamap long mama loan a llektorel Komisin.

Insait long wanpela ripot em i bin kam aut las wik, Komisin i bin askim olsem bikipela senis i mas kamap long palamentari sistem bilong Tonga olsem bilong larim ol pipel i ken votim 17 mausman bilong ol long Palamen na larim tasol nainpela sia bilong ol nobels.

Long ol toktok bilong em long Radio Australia Pacific Beat program lida bilong oposisen pro demokrasi muvmen, Akilisi Pohiva, i bin tok ol i bin amamas olsem dispela ripot i bin bihainim stretim askim bilong ol.

I gat wanpela hevi gen long Honiara

LONG Tunde dispela wik, ol polis opisa bilong Solomon Ailans i bin go holim toktok wantaim ol mausman bilong Honiara Chinese Komyuniti, long toktok long wanpela trabel i bin kamap wantaim soka long wiken.

I bin gat samting olsem wan tausen sapota i bin go lukim pilai bilong Solomon Kap, namel long Honiara, na Malaita, we wnapela pait i kamap na mekim ol dispela trabel i bin kapsait i go long eria bilong Saina taun.

Ripot i kam long Honiara i bin tok dispela trabel i bin kamap bihain long ol sapota i no bin wanbel long tingting bilong referi long i no bin larim gol i sanap.

Wanpela long ol stua bilong Saina bisnisman, sampela pipel i bin go insait na stilim ol samting long taim bilong dispela trabel.

Na i kam inap nau, 14 pipel, em polis i arestim ol pinis, na i luk olsem bai gat moa ares i kamap long ol de i kam.

Solomon Ailans Polis Komisina, Peter Marshall, i bin tok em i no ting dispela trabel i hap bilong ol tingting nogut agensim ol Esia pipel. Em i bin kamapim bikipela trabel long Honiara long 2006.

Em i bin inap long toksave long ol Esia komyuniti olsem ol i noken wari long dispela.

Na long wankain taim, CEO bilong Solomon Ailans Futbol Fed-

eresen, Eddie Ngava, i bin tok namel long 80 na 120 mao polis opisa bai stap raun long Lawson Tama stadium long las hap bilong Solomon Ailans kap pilai.

Tupela Australia lida i tok sori long ol pikinini

TUPELA lida bilong Australia politik i bin givim tok sori bilong tupela i go long 5 handret tausen pipel em tupela i tok i bin bungim bikipela ol bagarap em wanpela pikinini i no mas bungim.

Dispela em ol pikinini maigren em pipel bihain long seken wol woa i bin bringim ol i kam long Australia. Niusmeri long Kanbera (Canberra), Louise Yaxley, i bin ripot Praim Minista, Kevin Rudd, i bin tok sori long ol dispela pipel em ol i bin bikipela tasol i no bin gat papamama long lukautim ol, i stap long ol fosta kea ples, wantaim tu ol dispela pikinini em pipel i bin kisim ol aut long famili bilong ol Briten na Malta.

Na lida bilong Oposisen, Malcolm Turnbull, aiwara bilong em i bin pundaun taim em i toktok long ol dispela pikinini em ol i bin bungim hatpela taim.

Mista Rudd i bin ofarim helpim bilong ol dispela pipel long painim famili bilong ol, tasol i no bin toktok moa long en.

Tupela lida i bin promis long lukautim gut ol pikinini long bihain taim.

Ol soldia bilong Amerika bai go yet long Guam

GAVMAN bilong Guam i bin tok em i gat strongpela bilip olsem ol wok bilong bringim ol Amerika soldia long Okinawa long Japan i go long Guam bai go het.

Presiden bilong Amerika, Barack Obama, em long wiken i bin pinisim lukluk bilong em i go long Japan, we em i bin holim toktok wantaim nupela gavman long ol rot bilong kisim aut ol soldia.

Tok orait bilong kisim aut ol Amerika soldia, ol i bin kamapim tripela yia i go pinis, tasol ol i bin larim gen long wanem nupela gavman bilong Japan i bin winim ileksen long namba wan hap bilong dispela yia.

Na dispela i bin kamapim wari long Guam, we em i nap kisim gutpela sapat long ekonomi bilong em sapos ol Amerika soldia i go stap long Guam.

Tasol mausman bilong gavman, Shawn Guamataotao i bin tokim Redio Australia Pasifik Bit, olsem sampela bikipela opisal bilong Amerika i bin tokim Gavana bilong Guam, Juan Camacho olsem dispela tingting bilong bringim ol soldia i go long Guam, bai go het olsem ol i bin tingting long en.

Fiji tok lukaut long Nu Silan

FIJI Interim Praim Minista, Frank Bainimarama i tok lukaut long Nu Silan long stopim kain pasin bilong en long buli nating long kantri bilong em, sapos nogat, em bai bekim long em tu.

Long wanpela toktok o intaviu wantaim Televisen Nu Silan, Komodo Bainimarama i tok em i bin rausim Nu Silan namba tu o deputi hai komisina long stat bilong dispela mun long soim waning o tok lukaut long gavman bilong Nu Silan long noken pusim nating Fiji.

Dispela namba tri taim Fiji i bin rausim narapela Nu Silan diplomat wantaim tu Hai Komisin bilong Australia.

Ol i bin lusim olsem Fiji i bin bekim bek, long ol travel banis em tupela bikipela kantri long rijen, Australia na Nu Silan i bin sanapim agensim ol jas bilong Fiji.

Komodo Bainimarama, husat i bin autim Fiji gavman long ku long 2006, i tok interim gavman bilong em i wanpela toktok toktok o mesej i go long Nu Silan long stop na maski long traim bagarapim Fiji ekonomi na tu judisiari bilong en.

Em i tok tu olsem em bai holim wanpela demokretik ileksen long 2014 tasol em i no bin laik toktok moa long wanem as na em i no bihainim ol dedlain bipo i bin makim long larim ileksen i kamap long en.

PacificBEAT Listen to Radio Australia 101.9FM Port Moresby
4.5.6am & 4pm. 5pm including sport
Radio Australia current affairs programming which focuses on island nations, bringing you morning and evening coverage of local current events, including interviews with political leaders, newsmakers, and the people who make the news.



OL PROPOSAL LONG KISIM MANI-HELPIM ANINIT LONG FISERIS PROJEK DEVELOPMEN FAN (PDF)

Nesinol Fiseris Atoriti (NFA) i putimaut invitesin igo long ol saveman na meri bilong pulim pis long solwara na ol lain inlen fres-wara fis famas na ol koporet sosaiti husat i stap insait long wok fiseris developmen long givim ol proposal long Projek Developmen Fan (PDF) bilong 2010 mani-helpim.

Ol mani- helpim insait long PDF fan i kam long tupela (2) rot.

Nambawan hap bilong dispela ol mani-helpim i kam long US Multifateral Fisheris Treaty namel long ol Pasifik Ailan Kantri na Yunaited Stet ov Amerika. Dispela i save larim ol sip we i soim fleg bilong USA i ken ron insait long ol solwara ol i kolim Eksklusiv Ekonomik Zons bilong Pasifik Ailans kantri na Forum Fiseris Ejenal long Honiara, Solomon Ailan. Dispela fan ol i kolim Projek Developmen Fan (PDF).

Namba-tu rot we mani i kam long en em Nesinol Fiseris Atoriti bilong Projek Developmen Fan (PDF) long givim mani-helpim i go long ol projek aninit long Smol na Midium Skeil Bisnis Entaprais.

Long mekim gut wok na ol fans i ken go strat long ol gutpela fiseris projek, ol i kamapim wanpela PDF Staring komiti long menesim Papua Niugini PDF/fan. Dispela komiti bai i lukim olsem ol fans i stap long gutpela menesmen na i ples-klia na ol wok i stap moa klostu long en.

Kategori Wan

A) KOMYUNITI FISERIS SAPOT PROGRAM

Ol Komyuniti Fiseris Program, em ol dispela we bikpela lukluk bilong en em long ol bikpela komyuniti i ken kisim helpim. Dispela ino bilong kisim win-mani o profit.

Husat inap long aplai?

Ol komyuniti-bes fiseris asosesin o koporetiv.

Wanem wok bilong mani?

Long baim ol samting bilong wok fiseris olsem samting bilong huk, ais-bokis, ol samting bilong yusim long maket na ol samting bilong yusim long ofis wok.

Antap mani-mak long wanpela projek

Twenti Tausen Kina (K20,000.00)

Namba bilong ol Projek we bai kisim Luksave

Ten-pela (10) projek bai kisim mani helpim

Kategori Tu

B) Smol na Midium Skeil Entaprais Sapot

Ol fans we bai go long ol Smol na Midium Skeil Entaprais we bai sapotim na givim sampela liklik mani igo long SME insait long Fiseris Sekta long baim ol kapital o samting long strongim wok operesin bilong bisnis.

Husat inap long aplai?

- 100 % PNG man o meri husat i papa bilong ol SME Kampani
- SME i wok long mekim wok operesin bilong en insait long Fiseris Sekta insait long las 3-pela yia
- SME wantaim 50% hap mani long helpim long mekim wanem wok long kamap

Antap mani mak long wanpela projek

- Fifti tausen Kina (K50,000.00)

Jenerol Kondisen

- Olgeta samting mekim wok yu bai mas i gat invois i kam long lain yu laik baim long ol
 - Soim tru hamas mani yu givim sapos em SME sapot projek
 - Soim tru gutpela wok na strong long bringim saplai na redim ol ripot bilong projek we mani-helpim igo long en.
 - Ol lain husat i kiris tok-orait pinis bai kiris 28-de mak long yusim dispela ol mani-helpim
 - Ol peimen bilong ol samting bai PDF Staring Komiti i salim igo stet long saplaia.
 - Ol fans ino inap peim kos bilong operesin, bekim dinau o ton o sevisim ol dinau.
 - Ol dispela aplikesin pepa we ino gat luksave bai igo bek long ol lain husat i aplai.
 - Strepela aplikesin bilong ol proposal i mas gat ol dispela samting.
 - Olgeta Project Identification Document (PID) na Projek Fomulesin Dokumen mas i gat wanpela bisnis plan. Askim ol provinsal fiseris ofis o NFA long ol dispela samting.
- Projek Taitol
 - Stori bilong Projek
 - Ol Hevi
 - Ol rot bilong Stretim Mani
 - Hap mani long putim
 - Taim bilong mekim wok

Olgeta Proposal mas soim ples klia olsem "PDF Steering Committee" na ol i mas go stret long Nesinol Fiseris Atoriti, P O BOX 2016, Port Moresby, National Capital District, PNG

Wanem ol askim long PDF proposal i mas go long **Ms Waleta Wararu**, Eksekutiv Menesa, Provinsal Sapot na Industri Developmen long telefon: 3090483

Olgeta submisen bai kamap long ofis bipo long Disemba 30th 2009

Authorized by



SYLVESTER POKAJAM
Menesing Dairekta



US na Saina bung

TRU TUMAS: Presiden bilong Saina, Hu Jintao (raithan) i toktok wantaim Presiden bilong Yunaitet Stets, Barack Obama na wanpela man bilong tanim tok i sanap namel long tanim tok i go kam, taim tupela lida i sindaun stori long wanpela kaikai insait long Bikpela Hol bilong ol pipel long Beijing long Novemba 17, 2009. Tupela lida i paitim tok na tok wanbel long strongim intanesenel wok-bung bilong ol. **(Reuters foto i kam long AAP Images)**



Autim belhevi

NO WANBEL: Ol lain memba bilong Pipel bilong Etikal Tritmen ov Enimal (PETA), wanpela grup i save protes agensim pasin nogut long ol enimal, i penim skin ret na wait olsem flek bilong Keneda (Canada), na sanap ausait long opis bilong Konsulet o embasi opis bilong Keneda long Melbon long Fraide, Novemba 13, 2009. Protes bilong ol em long Keneda i mas pinis long kilim ol harp sil o dugong pis we ol i save mekim olgeta yia. **(AAP Foto)**



Traim wol rekot

BRUKIM O NOGAT: Ol lain manmeri long Sidni, Australia i bin traim brukim wanpela wol rekot bilong werim ol swim we o klos bilong waswas long solwara. Wol rekot i sanap long 281 manmeri i werim swim we long wanpela taim tasol. Ol i bin traim hat, na planti manmeri bilong Sidni i mekim las wik Fonde, tasol ol i no inap long abrusim mak bilong rekot i stap pinis. Dispela rekot i stap yet em Las Vegas long Amerika i holim yet. *(AAP Poto)*



Solwara birua long Japan

ASUA: Wanpela helikopta i plai raunim wanpela pasindia sip i bin kapsait long Kumano siti long Sentral Japan long Fraide, Novemba 13, 2009. Olgeta 28 pasindia na kru i bin stap antap long dispela pasindia sip Ariake em ol Japan Kos Gat i bin sevim ol. *(AP Photo/Kyodo News)*



KUMU TASOL: Dispela meri, Ashley Fruno, i werim wanpela klos ol i mekim long letis o kapis. Em i mekim olsem aninit long wanpela kempen bilong strongim tingting bilong ol manmeri long kamap ol vejeterien o lain i save kaikai kumu tasol. Dispela kain pasin em People For The Ethical Treatment of Animals (PETA) lobi grup i mekim. *(AAP Poto)*

WANPELA taim meri bilong Kanau i tok bai mipela olgeta i sigirapim kokonas bilong mekim kokonas oil. Dispela oil long Manus em i gat planti yus bilong em. Ol i save baim meri long kokonas oil, ol i save rabim long gras na skin bilong ol pikinini bai ol i smel nais, ol i save kuk wantaim dispela oil na ol i save mekim planti kainkain wok long oil bilong kokonas.

Taim bikpela mama bilong mipela i tok bai mipela i sigirapim kokonas bilong mekim oil, man mipela olgeta i amamas tru long mekim dispela wok bikos i save gat ol yangpela kuru bilong kokonas olgeta pikinini i save laik kaikai.

Na tu taim ol mama i rausim pinis oil long sospen, i save gat switpela gris bilong kokonas ananit long sospen mipela i kolim "morom" na em i fevret kaikai tru bilong olgeta pikinini taim ol mama i miksim wantaim taro na saksak. Olsem na taim ol i singaut, mitupela Ludwina i ron kwiktai tru na go joinim ol.

Mipela i sigirapim samting olsem 50 pela drai kokonas na ol meri i milkim gris bilong em long bikpela sospen na ol i redim wok bilong kamapim oil.

Ol pipia bilong kokonas i bin stap yet long sampela dis na ol i hipim long kona bilong haus. Pipia bilong kokonas na kuru bilong kokonas em i gutpela kaikai bilong pik. Olsem na ol i larim dispela pipia bilong kokonas i stap bilong pik.

Ol i mekim dispela wok long Sarere na taim oil na morom i redi olgeta lain yet i likim pinga bilong ol na olgeta i lusim tingting long kaikai bilong pik. Ol dispela pipia bilong kokonas i stap i go Sande, Mande, Tunde na long Trinde ol pipia kokonas i stat smel.

Kala bilong pipia kokonas i tanim kamap yelow. Mama bilong mipela i komplein long smel bilong kokonas i pulim planti lang na sand flies, tasol nogat wanpela bikpela i harim na rausim dispela ol pipia.

Long Fonde avinun smel bilong pipia kokonas i bagarapim nus bilong olgeta lain na mama bilong haus i kros.

Tasol husat bai i wokim? Ol i wetim yet tupela "donki" bilong ol bai pinis skul long Fraide na tupela i go tromoi. Long Fraide avinun ol i kam singautim mitupela long go long haus.

Mitupela i pinis tasol long skul na mitupela i laik pilai wantaim ol fren bilong mitupela tasol taim ol i kam singaut, mitupela i lusim olgeta samting na go long haus bilong papa Kanau. Mitupela i kamap na ol i tokim mitupela long daunim wanpela liklik kanu na karim ol pipia kokonas na go bringim long haus pik.

Ol Powai i lain bilong lukautim pik arere long haus na bihain long ples. Tasol taim ol lain Kawa, Tingou, Powai wan na Kopanou i lusim Pelipowai na go bek long ples bilong ol, i bin gat planti speis bilong ol lain i stap bihain long mekim gaden na lukautim pik.

Long olupela ples bilong ol Kopanou long 'Chapanah' meri bilong Kanau wantaim ol brata bilong me Chapok Nembe, Mohe Werak Steven Opun na brata bilong em Soni i putim pik bilong ol long dis-

SENIS WANTAIM TAIM

Mekim bikpela wok



pela ples na olgeta yet i save lukautim.

Dispela ples em i stap olsem 3 kilomita longwe long Chapasa na long karim samting i sting na i gat planti smel em i samting bilong sem.

Na sapos mipela pikinini na meri bilong bigman long ples i karim dispela kain samting long fran bilong ol man, i save gat planti toktok insait long komyuniti. Na tu, long go long dispela ples bilong pik, mipela i mas wokobaut long Chapasa olgeta na kamap long Kipokat, Lahalon, kamap long gavman stesen long NDeKalai (Pelipowai) na saitim longpela hap nambis olgeta na kamap long wara Owearr.

Long taim bilong mitupela sista bilong mi, ol i tokim mitupela long pul long liklik kanu na go bringim kaikai bilong pik. Samting olsem hapas 4 mitupela i lusim ai bilong haus na stat long susuim kanu i go long biksolwara na taitim pul long katim ples i makim stret poin bilong gavman stesen long Pelipowai.

Mitupela i hap pret wantaim bikos em i namba wan taim bilong mitupela nau long ronim wanpela kanu mitupela yet. Olaim mipela i save go wantaim sampela bikpela man meri na nau em mitupela yet.

Mitupela i pul isi-isi i go na san i wok long hariap long go daun bihain long M'Buke ailan. Mitupela i sua long nambis bilong olupela ples Kopanou em san i go hait pinis. Bikpela matmat bilong olgeta lain i dai i stap klostu tru long ples bilong pik, em ples nau mitupela i sanap long em.

Mi stap yet wantaim kanu na mi wok long traim pasim rop bilong kanu long wanpela diwai long nambis na Ludwina i karim dis kaikai bilong pik long het bilong em na em i go pas.

Olgeta Powai i save bilip strong tru olsem masalai na devel bilong ol man i dai pinis i save stap long olupela ples ol man i lusim na ples i bus. Na mipela i save bilip tu olsem ol dispela devel bilong man i dai i save kam holim ol man, meri na pikinini long taim ples i avinun pinis na i laik tudak, na tu sapos ol man i karim samting i sting.

Mi stretim kanu pinis na mi wokobaut bihain long Ludwina. Mi wokobaut yet long rot na mi kirap nogut tru olsem sista bilong mi i slip bros i go daun na dis kaikai bilong pik i kapsait long het bilong em. I luk olsem em i bin pundaun na slip bros i go daun sampela minit pinis. Mi stop na traim singaut "Paska,

Wawuh" na em i kirap.

Em i mas sem liklik olsem em i stap long dispela kain posisen na em i hariap long stretim em na hariap long bungim bek sampela kaikai bilong pik i pudaun nambaut. Em i yusim han bilong em long rausim ol pipia long skin na feis bilong em pinis mitupela i go. Mi bihainim em tasol na mi no mekim wanpela toktok.

Mitupela i kamap long ples bilong givim kaikai long pik. Em wanpela olupela kanu saman bilong em i raus pinis na kanu i wok bagarap na sting. Ol wait anis i kaikai ananit bilong diwai na ol papa mama i yusim skin kanu olsem longpela ples kaikai bilong pik. Sista i kisim hap stik na i paitim skin bilong olupela kanu long singautim ol pik na mitupela i wet.

I no long taim na ol pik i ron i kam long kainkain ples long bus na Ludwina i kapsaitim kaikai bilong ol long hol bilong kanu na ol i lain na kaikai. Ol i planti tru na sampela i wok long pusim ol narapela long kisim moa speis na sampela i wok long krai na bikmaus.

Mitupela i stap liklik taim tasol na mi lukim olsem mitupela i nogat moa taim, ples i laik tudak nau na mitupela i mas hariap long go bek. Long dispela kain avinun tu i save gat pukpuk i laik kambek long wara bihain long ol i raun long sol wara long san. Mitupela i kamap long kanu na mitupela i pul i go bek long ples long nait.

Long ples mitupela i no tokim sampela lain long samting i kamap long mitupela long ples bilong pik. Mitupela i pasim maus tasol na stap. Wanpela moning, samting olsem tupela wik bihain, klostu long 10 kilok moning, tisa bilong ol stended 4 i wok long skulim ol, Ludwina tu i stap long dispela klas na mi stap long prep.

Tisa i soim sampela samting long blakbod na Ludwina i putim han antap long givim ansa. Tisa i tokim em long sanap na tok aut long klas.

Orait Ludwina i sanap na em i stat long toktok tasol namel stret long toktok bilong em, Ludwina i stop na i lukluk stret long blekbod. Em i sanap nating longpela taim, i no blinkim ai na i no muv.

Tisa i singautim nem bilong em tasol sista bilong mi i nonap toktok nau. Tisa i traim holim em na em i kirap nogut Ludwina i sanap olsem hap diwai.

Tisa i rausim olgeta pikinini i go arasait na em i traim long toktok long Ludwina. Olgeta pikinini i go ausait na stori nabaut long samting i kamap. Mipela tu i kam ausait long rises na ol mangi i stori long mi, tasol mi no klia em wanem samting i kamap.

Mipela i stap long ples na dispela samting i kamap sampela moa taim. Em bai mekim sista bilong mi

i stop long toktok na pilai na i lukluk nating long graun.

Sampela taim i save gat liklik spet i kam aut long kona bilong maus bilong em. Taim mipela pikinini i pilai i stap na dispela samting i kamap, mipela i save ron stret i go na tokim mama bilong mipela (meri bilong Kanau), tasol oltaim mipela i tokim em, em i save paitim mipela na rausim mipela na tok "mipela bikpela man i laik toktok na yupela ol dispela pikinini i laikim bai mipela i harim yupela tasol, raus na go pilai long laik bilong yupela".

I nogat wanpela taim dispela meri i stop na harim mipela i traim tokim em samting i wok long kamap long sista bilong mi. Sampela taim sapos dispela samting i kamap, na i hat long mipela i tokim wanpela bikpela man o meri, mi wantaim liklik kandre bilong mi Melewen mitupela i save hariap tru brukim het bilong tanget na suvim long solwara na kam paitim strong antap long het bilong Ludwina a singaut "yupela i lusim em na yupela i go" mitupela i bilip olsem sapos mitupela i mekim olsem, em bai mitupela i rausim ol spirit nogut.

Na i tru mipela olgeta pikinini i save lukim ol bikman i save mekim planti taim long rausim spirit nogut long ol sikman.

Wanpela problem tasol em 'ol bikman i save suvim lip na kru bilong tanget long wara. Tasol mipela i suvim tanget long solwara!'

Sik guria i wok long kamap long sista bilong mi planti taim nau na i wok long kamap strong.

Mi ken lukim olsem sista bilong mi i no moa orait, tasol i nogat wanpela bikpela man o meri i traim long helpim. Nek bilong mi pas, het bilong mi pen, ai wara i pulap long ai bilong mi tasol bai mi tokim husat long sik bilong sista bilong mi, na tu, wanem save bilong mi long sik bilong em?

Wanpela kanu bilong ol man long ples i laik go long taun. Dispela kanu em i kanu bilong wanpela man em i hap papa bilong mitupela "Manus Momok" tasol taim mipela i pikinini yet ol papa mama i no save tokim mipela gut long ol famili mipela i gat long sait bilong mama o tumbuna meri.

Mi suruk liklik tasol mi kisim wanpela hap pepa na sotpela pensil na mi raitim sampela raf toksave bilong papa bilong mitupela long Lorengau.

Nau mi bikpela man pinis na mi nonap tingim wanem samting stret mi bin raitim na salim long papa bilong mitupela - mi bin prep nating long dispela taim.

Bilip bilong mi taim mi raitim dispela pepa, em mi ting olsem maski i nogat wanpela trupela raiting long pepa, ating papa bilong mitupela bai lukim dispela hap pepa i nogat wanpela trupela raiting long em, na bai em i askim, 'husat i raitim dispela hap pas?' ating ol man bai tok 'em liklik mangi ya i raitim' na taim papa i luksave olsem 'mi salim dispela hap pas' papa bai tingting planti na bai em i kam sekim mitupela, tasol wanem taim bai em i kam, dispela mi no save.

Lukim moa stori neks wik...

Telek kirapim skin long ples bilong danis

SARERE nait 7 Novemba, 2009 em nait mi no inap lus tingting olsem i wanpela namba wan nait bilong mi long las 10-pela krismas.

Em i bin nait we olpela samting i bung wantaim yangpela ol samting, i olsem garamut i bungim pairap i kamap long ki bod o kompyuta.

Na namel long dispela ol samting i kamap long Newtown long Mosbi, namba wan musik man i kamap na pairapim gita na singim ol namba wan singsing bilong em long guttaim.

Dispela nait i bin nait we mambu singsing bilong Sepik i bung wantaim tumbuan spirit bilong Tolai, we kalsa bilong Madang i bung wantaim manmeri bilong Papua na we Mosbi i opim ol pes bilong Tribe bilong Jubal, ben i kam long Cairns, Australia.

Dispela i bin nait we i mas kirapim skin bilong yu long redi long kam bilong Krismas sisen na Niu Yia.

Tasol pastaim long mi tok go moa em bin nait we namba wan na biknem intanesenel musik man bilong mipela em George Mamua Telek i singim ol singsing bilong em long 1980s na 1990s.

Long dispela taim mi bin ting olsem ol spirit bilong bemobail masalai Orange Man tru tru i kisim em pinis.

Na arere long em em musik man mi laikim long 1990s em long Shydeez husat i kam olgeta long Madang na kamapim namba foa (4) hap bilong konset we ol i wokabaut i go long Mt. Hagen, Lae na bihain kam long Mosbi.

Musik bilong ol long dispela nait i laitim Newtown long dispela taim.

Long yu husat i no bin go long dispela nait long Se Huber Murray Stedum yu no save tru long wanem samting yu abrusim long dispela nait.

Telek i bin pilai wantaim ol nupela lain musik manmeri tasol musik bilong em i no senis olsem ol manmeri i bin prèt pastaim long em.

Bekap ben we i gat planti ol musik man bilong Mosbi i stap long en i pilai wantaim Telek na dispela i mekim ol manmeri husat planti em ol bilong Hanuabada i amamas tru. Shydeez i putim wanpela



MISPAIA: Biknem musikman George Telek i amamas na singsing.

namba wan danis bilong nait maski i no bin gat planti ol musik man bilong ben stret i kamap long pilai.

Tasol moa long dispela musik i bin mekim ol manmeri i skelim gut musik bilong bipo na musik bilong nau. Em i bin wanpela namba wan singsing bilong nait.

Tasol gen Tribe bilong Jubal i kamap na pilaim musik bilong ol we dispela i mekim ol manmeri klostu i lusim graun na palai antap.

Dispela ben i kam wantaim man husat i ken danis wantaim stail musik bilong ol long Thursday Ailan na ol PNG danis manmeri long Cairns. Dispela ben i kam long nem

bilong bimobail long lonsing bilong 49 toea reit bilong Wantok kempein long olgeta nait.

Ol PNG musik man long dispela ben em long Ben Hakalits husat i singim ol singsing bilong Hus Ailan long Manus Provins.

Bemobail i kisim dispela sans na soim Masalai Orange Man husat i mekim spesel so bilong em. Wankain so em i mekim long Mt. Hagen na Lae.

I mas gat luksave tu long dispela nait olsem ol waitman husat planti taim i no save long sampela pilai na pani bilong PNG i lap nogut long dispela nait tu.

Long dispela nait BJ Nagura, husat i gat nem bilong



singim ol rep singsing i kamap na soim em yet tu.

Ol mangi husat krismas bilong ol i stap long 11 na husat i save gut long kain musik i kalap kalap nambaut na amamas wantaim long harim kain musik olsem.

BJ Nagura i singim ol namba wan singsing bilong ol olsem 'Mori E' na 'Pretty Girl' long taim Telek i singim ol singsing bilong em olsem 'Mi Save Wari', 'Mispaia' na Shy-

deez i singim 'Ai Wara', 'Ana Dahil,' na 'Abi Subum.'

Sampela ol meri husat i bin stap long nait i no sem long singsing wantaim Telek taim em i singim 'Namukara Matam' na Vok Kiatig bilong Shydeez i singim 'Triky Triky Girl' singsing bilong em.

Maski tupela baga man i ting ol i no bin singsing gut tasol dispela i narakain long harim bilong ol manmeri. Dispela em bikos long sapot

i kam long Emmanuel Hakalitz na ol poro bilong em olsem Rex Rea, Andy Miro na Dennis Mulake.

"Em i bikpela samting long mi long mi pilai wantaim wanpela namba wan song raita bilong PNG em George T na olsem mi hop olsem em tu i amamas long pilai bilong mipela."

"Mi hop long mipela bai wanpela taim moa gen i gat sans long bungim gen olsem," Rea i tok.

Lid gitaris bilong Shydeez Jacob Kawage i tok pilai bilong dispela nait i bin bihainim plen na i ron gut.

"Mi bilip olsem dispela i soim kain profesinel tingting em bimobail i gat na Spaida Trakz i oganaisim na menesim dispela iven long Hagen na Lae."

"Mi no bin pilai anit long kain progrem olsem," Kawage i tok.

Kawage i mekim gut taim ol oganaisa i askim em long givim bekap lid gitaris bilong Telek na em yet i tok em i no bin kisim wanpela kain askim bipo.

Long ol yia i kam mi bin wok long toktok long Telek, Leonard na Uralom Kania na ol arapela musik man olsem ol i mas lus tingting long pilim sem long ol bikpela bikpela pilai.

Long lukim Telek i danis i givim bikpela amams long mi na olsem mi kraik stret.

Mi bilip wokabaut bilong Telek i go long ol arapela kantri olsem Ingran, Amerika, Australia na Yurop i strongim tingting bilong em na olsem em i no sem long danis long ai bilong olgeta manmeri.

Em i namba wan taim tu long ol musik man i pilai bipo long bikpela skrin.

"Intanesenel stej pilai i kam long PNG na olsem mi amamas long lukim kain musik samting ol i kam wantaim."

"Dispela em kain ol samting stej mi save pilai taim mi go singsing long narapela kantri."

"Dispela em profesinel we bilong pilai na em i gutpela long ol lokol atis i kam save long em," Telek i tok bihain long so.

Mi go wantaim tripela ol pikinini bilong mi na olsem ol i go bek long haus wantaim bikpela tingting na amamas.

Redio Program

Program bilong Wanwan De Mande - Fraide

6am - 10am - Sankamap show - Host: KAS.T
6:15am - Komuniti Notis Bod
6:30am - Nius Hetlains / Bondei grittings
Trukai Rais - GES FAIA KOMPETISEN
6:45am - Niuspepa Hetlains
7:00am - Major Nius Bulletin - YUMIFM Nius Senta
7:15am - Toktok sapotim LO na JASTIS Sekta
7:30am - Trukai Rais - GES FAIA KOMPETISEN
8:00am - Major Nius Bulletin - YUMIFM Nius Senta
8:15am - Stori b'long Skelim Tingting

8:30am - Trukai Rais - GES FAIA KOMPETISEN
9:00am - Nius Bulletin - YUMIFM Nius Senta
9:15am - Luksave long Komuniti (Redio Pilai)
9:30am - Trukai Rais - GES FAIA KOMPETISEN
9:45am - YUMI PAINIM WOK Segment
10:00am - Nius - YUMIFM Nius Senta
10am - 2pm - Monin Trek na Belo Pack - Host: VAVIESSIE
10:10am - Lukatim yu yet - Helt toktok - RH Hyper Mart
10:45am - YUMI PAINIM WOK Segment
11:00am - Nius - YUMIFM Nius Senta
11:10am - Cont'd - Lukauti yu yet - Helt toktok
11:30am - Nius Hetlains b'long Belo Taim
12:00pm - Major Nius Bulletin - YUMIFM Nius Senta
12:10pm - BELO Taim - wantaim sapot b'long TELIKOM
12:15pm - Komuniti Notis Bod
12:20pm - BELO Taim - wantaim sapot b'long TELIKOM
1:00pm - Nius - YUMIFM Nius Senta
1:10pm - BELO Taim - wantaim sapot b'long TELIKOM

2:00pm - Major Nius Bulletin - YUMIFM Nius Senta
2pm - 6pm - Avinun Draiv Taim - Host: Enjo Dabix
2:00pm - 4:00pm (Tunde / Fondei) TOKAUT TOKSTRET
2:45pm - YUMI PAINIM WOK Segment
3:00pm - Nius - YUMIFM Nius Senta
3:10pm - Avinun cruz
4:00pm - Nius - YUMIFM Senta
4:10pm - "FOAPELA KAM GUD LONG 4"
4:30pm - Nius Hetlains
4:45pm - YUMI PANIM WOK Segment
5:00pm - MAJOR NIUS BULLETIN - YUMIFM Nius Senta
5:10pm - 6:00pm - FLAME KULCHA (1 hr) listeners request
6:00pm - MAJOR NIUS BULLETIN - YUMIFM Nius Senta
6 - 7pm - Maggi noodles request aua
6pm - 00am - NAIT BEAT - Host: ANGRA KENNEDY
6:10pm - 7:00pm Mun kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

9:00pm - 00am - Nait Beat - Isi Cruz long nait
00am - 6am - BRUKIM TULAIT SHOW - Host: Papa Raegs / Sally / Nenge
00:00 - Early Monin Taim Cruz (ol lain brukim tulait shift)
- Miusik / Request / Tok pilai
- Kipim Kampani long ol nait shift.
Weekend Shift - Saturday & Sunday
6:00am - 11:00am - Wiken Sanrais
6:30am - Komuniti Notis Bod - Bondei grittings
7am - 9am - Wiken Spots
9am - 11am - Monin Raun
11am - 1pm - National Weekly Hit Parade (Host Kas.T)
2pm - 6pm - Sarere Avinun Draiv
6pm - 00am - Nait Beat (Host Angra Kennedy)
YUMIFM POROMAN TEAM:
Turner (KAS.T) Arifee - Team Leader / Program Director
Angra KENNEDY - Senior Announcer

Raun wantaim Wantok

Hepi Bon de Nau FM

Shut up and Drive, Mori E, na Pretty Girl, em sampela singsing bilong ol sampela singa manmeri husat i bin go singsing long Pot Mosbi Kantri Klab long Sarere wik i go pinis long amamasim 15 yia bilong redio stesin Nau FM long brotkas insait long Kantri.

Ples i no pulap tumas long wanem i nogat ol musik manmeri kam long narapela kantri olsem na ol husat i bin go long dispela nait i bin gat bikpela space long danis na mekim kainkain stail bilong ol.

Nau FM i gat nem long kisim ol biknem musik lain long ovasis i kam pilai tasol dispela yia ol i tok ol i mas mekim nem bilong ol nupela na yangpela manmeri bi-

long yumi Papua Niugini i go antap olsem na ol i kisim planti nupela yangpela manmeri long go singsing long bon de bilong ol.

Long Sarere nait dispela ol nupela nek yumi bai harim bihain long CD na Kaset em ol i kukim Kantri Klab long Mosbi taim ol singsing wantaim Tonik Ben bilong Mosbi.

Wanpela yangpela musik man we yumi save pinis long ol musik bilong em tu i singsing long dispela nait, Strakky em nem bilong dispela yangpela musik man we em katim sampela ol sing sing bilong em long CD na kaset.

Planti ol yangpela meri tu husat ol i no gat singsing bilong ol CD an kaset i traim

nek bilong long dispela nait em Flora Suve meri sampela taim save go pas long singsing long ExTension ben, na wanpela nupela nek long laiv ben musik, Natalia Maino em wanpela yangpela husat i save singsing long sampela so long ol bikpela klab long Mosbi tasol dispela nait. Nek bilong em i laik brukim ol spika bilong ben.

Tru, tru, planti bilong ol yangpela manmeri long Papua Niugini i gat nek long singsing, tasol ol i no save soim ples klia.

Nau FM i lukluk long dispela olsem na ol bungim olgeta dispela manmeri na kism ol kam pilai long bonde bilong ol na tu long soim ol dispela yangpela manmeri long ples klia.

SINGSING: Piksa i soim sampela bilong yangpela manmeri husat i singsing long bonde bilong Nau FM.

AMAMAS: (Daunbilo)Ol lain NauFM i amamasim bonde bilong ol.

Ol poto: Nicky Bernard



RADIO AUSTRALIA TOK PISIN PROGRAM HARIM LONG: 101.9 FM

Radio Australia Tok Pisin Program - MANDE
Morning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7:01PM Ol Hetlain na Program Priviu
7:15PM Musik na Chit Chat
7:30PM Nius na Karent Afes
8:00PM Focus
8:15PM Nius Spots
8:30PM Nius
8:45PM Mama Graun Riplei
8:55PM Musik
9PM Stesen Pas
TUUNDE Morning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7:01PM Ol Hetlain na Program Priviu
7:15PM Musik na Chit Chat
7:30PM Nius na Karent Afes
8:00PM Focus
8:15PM Nius Spots
8:30PM Nius
8:45PM Mama Graun Riplei
8:55PM Musik
9PM Stesen Pas
TRINDE Morning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7:01PM Ol Hetlain na Program Priviu
7:15PM Musik na Chit Chat
7:30PM Nius na Karent Afes
8:00PM Focus
8:15PM Nius Spots
8:30PM Nius
8:45PM Mama Graun Riplei
8:55PM Musik
9PM Stesen Pas
FONDE Morning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7:01PM Ol Hetlain na Program Priviu
7:15PM Musik na Chit Chat
7:30PM Nius na Karent Afes
8:00PM Focus
8:15PM Nius Spots
8:30PM Nius
8:45PM Mama Graun Riplei
8:55PM Musik
9PM Stesen Pas
FRAIDE Morning - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7:01PM Ol Hetlain na Program Priviu
7:15PM Musik na Chit Chat
7:30PM Nius na Karent Afes
8:00PM Focus
8:15PM Nius Spots
8:30PM Nius
8:45PM Mama Graun Riplei
8:55PM Musik
9PM Stesen Pas
SARERE
Nait
7PM Stesen op - Ol Nius Hetlain/Program Priviu
7:05PM Musik na Chit Chat
7:30PM Nius
7:40PM Wantok
8PM Lokal Ben
8:30PM Nius
8:40PM Musik/Chit Chat
9PM Stesen Pas
SANDE
Nait
7PM Stesen op - Ol Nius Hetlain/Program Priviu
7:05PM Musik na Chit Chat
7:30PM Nius
7:40PM Femili Blong Serah (Redio Plei)
8PM Lukluk Bek Long Wik
8:30PM Nius
8:40PM Musik/Chit Chat

93FM YUMIFM National Weekly Hit Parade:
Sponsor: Digicel - bigger, better network
Produced & Host by: Kas.T
Statistics: Enjo Dabix & Poroman Crew
Week Ending: Saturday - 07th November 2009
Table with columns: W/B, L/W, TMk, C/Song, Artist.
Song In: Nil
Song Out: Nil

TV GAID

FONDE NOVEMBA 19, 2009
5.00AM G JOYCE MEYER - Religious Program
5.30AM G TODAY
9.00AM EMTV PRIME TIME LINE UP
CLASSROOM BROADCAST
2.59PM STATION OPEN
KIDS KONA
3.00PM G C2G: GOT TO GO
3.30PM G THE KINGDOM OF PARAMITHI
4.00PM G SLEEPOVER CLUB (return)
4.30PM G THE SHAK
4.57PM G EMTV TOK SAVE
5.00PM G THE SHAK
5.29PM G EMTV NEWS UPDATE
5.30PM G HOT SOURCE
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PISIN
7.00PM G SPORTS SCENE
7.30PM PG ELITE MUSIC ZONE
7.30PM PG EMTV TOK SAVE (New Time)
7.57PM G EMTV TOK SAVE
8.00PM PG WVE AFTERBURN
9.00PM PG ADULTS ONLY 20 TO 1: "Rebels"
10.00PM M THE STRIP
Drama
The Strip - centres on the Criminal Investigation Bureau (CIB), a small and elite group of detectives who investigate the major crimes in Aus-

tralia's playground of excess. - Stars: Aaron Jeffrey & Frankie J. Holden.
11.00PM G NATIONAL EMTV NEWS REPLAY
11.30PM Australia Network
FRAIDE NOVEMBA 20 2009
5.00AM G JOYCE MEYER - Religious Program
5.30AM G TODAY
9.00AM EMTV PRIME TIME LINE UP
CLASSROOM BROADCAST
2.59PM STATION OPEN
KIDS KONA
3.00PM G DOGSTAR
3.30PM G THE KINGDOM OF PARAMITHI
4.00PM G SLEEPOVER CLUB (Series Return)
4.30PM G THE SHAK
4.57PM G EMTV TOK SAVE
5.00PM G THE SHAK
5.29PM G EMTV NEWS UPDATE
5.30PM G HOT SOURCE
5.55PM G CRIME STOPPERS
6.00PM G NATIONAL EMTV NEWS
6.30PM G A CURRENT AFFAIR
6.59PM G NEWS UPDATE IN TOK PISIN
7.00PM G IN MORESBY TONIGHT
All the latest in entertainment and arts around Port Moresby, and PNG, with a special feature segments, a weekly studio guest and a weekly highlights of what's on your screen.
7.27PM EMTV TOK SAVE
7.30PM PG SECRET MILLIONAIRE (Series Premiere) In this new award winning series, each week a successful millionaire will go to the other side of the tracks with a secret identity and forge their own way working and volunteering in some of the poorest neighbourhoods. On their final day, the millionaires reveal their true identity, using their wealth, come to the aid of people who need it most to turn their lives around.
8.30PM PG THE SIMPSONS
9.00PM M 20 TO 1: Aussie Parties & Pastimes
10.00PM M GREY'S ANATOMY
11.30PM G NATIONAL EMTV NEWS REPLAY
Midnight Australia Network
SARERE NOVEMBA 21, 2009
11.59AM STATION OPEN
12.00PM G THE SHAK
12.30PM G ENGLISH SUPER LEAGUE
REPLAY - Leeds Rhinos v Hull KR
2.30PM G ENGLISH SUPER LEAGUE
REPLAY
4.30PM G TOTAL RUGBY
5.30PM G SPEED MACHINE
5.30PM G MXTV
6.00PM G NATIONAL EMTV NEWS
6.30PM PG AUSTRALIA'S FUNNIEST HOME VIDEO SHOW
7.27PM EMTV TOK SAVE
7.30PM PG MORESBY TONIGHT

8.00PM PG GHOST WHISPERER
9.00PM PG THE PURSUIT (Series Premiere) - 3 teams of 2 people race around Australia's capital cities in the ultimate treasure hunt. In one day, they will crack four cryptic clues that lead them to four secret locations, where the first across the finishing line gets the rights to go into the Grand Final where they could win \$25 000. Hosted by Maude Garrett.
9.30PM PG ELITE MUSIC ZONE
10.00PM M GREY'S ANATOMY
11.00PM G NATIONAL EMTV NEWS REPLAY
Midnight Australia Network
SANDE NOVEMBA 22, 2009
6:30AM G IT IS WRITTEN
It Is Written is an international, Christian television ministry dedicated to sharing insights from God's word with people around the world.
7.00AM G HILLSONG
7.30AM G TODAY ON SUNDAY
8.30AM G TOTAL RUGBY
9.00AM G WIDE WORLD OF SPORTS (final for 2009)
10.00AM G AUSTRALIA NETWORK
2.09PM STATION RE-OPEN
2.10PM G TOP SOIL
2.40PM G TOTAL RUGBY.
2.50PM G
5.00PM PG SPECIAL ENCORE PRESENTATION - SECRET MILLIONAIRE

In this new award winning series, each week a successful millionaire will go to the other side of the tracks with a secret identity and forge their own way working and volunteering in some of the poorest neighbourhoods. On their final day, the millionaires reveal their true identity, using their wealth, come to the aid of people who need it most to turn their lives around.
6.00PM G NATIONAL EMTV NEWS
6.30PM PG RANDOM ACTS OF KINDNESS
7.30PM G 60 MINUTES
8.30PM PG SUNDAY NIGHT MOVIE PREMIERE: NO RESERVATIONS (2007) Frosty chef, Kate Armstrong lives her life likes she runs her kitchen at a trendy Manhattan eatery - with a no-nonsense intensity that both captivates and intimidates everyone around her. However, her perfectionist nature is put to the test when her 9-year-old niece moves in. Stars Catherine Zeta-Jones, Aaron Eckhart and Abigail Breslin.
8.27PM EMTV TOK SAVE
10.30PM G HEALING PLACE TV
11.00PM G NATIONAL EMTV NEWS REPLAY
11.30PM Australia Network
MANDE NOVEMBA 23, 2009
5.00AM G JOYCE MEYER Religious Program
5.30AM G TODAY
9.00AM EMTV PRIME TIME LINE UP
2.59PM STATION OPEN



NEM: Herold Pokentua
 KRISMAS: 20 (man)
 ADRES: P.O. Box 2129, Madang.
 SAVE LAIKIM: Pilai spot, ritim buk, mekim pren, raitim pas, go lotu, na harim musik.

NEM: Emmanuel Deriga
 KRISMAS: 18 (man)
 ADRES: Sorovi Primary School, P.O. Box 72, Popondetta, Oro Province
 SAVE LAIKIM: Pilai tas ragbi, volibol, ritim buk, harim musik, na lukim TV

NEM: Rofina Wuni
 KRISMAS: 13 (meri)
 ADRES: C/- Ignas Numo, P.O. Box 347, Vanimu, Sandaun Province
 SAVE LAIKIM: Pilai soka, lukim TV, ritim buk, stori, swim na mekim pren.

NEM: Joy Ghare
 KRISMAS: 17 (meri)
 ADRES: Rakaboku village, P.O. Box 874, Kimbe, West New Britain Province
 SAVE LAIKIM: Go lotu, pilai soka, mekim pani

NEM: Jermaine Tuane
 KRISMAS: 17 (meri)
 ADRES: Hutjena Secondary School, P.O. Box 119, Buka, ARB.
 SAVE LAIKIM: Ritim buk, mekim pani, pilai soka na mekim skul wok

NEM: Felicia Tabali
 KRISMAS: 17 (meri)
 ADRES: Hutjena Secondary School, P.O. Box 119, Buka, ARB.
 SAVE LAIKIM: Pilai mekim pani na ritim buk

NEM: Stephani Tohaina
 KRISMAS: 17 (meri)
 ADRES: Hutjena Secondary School, P.O. Box 119, Buka, ARB.
 SAVE LAIKIM: Mekim pani, stori na pilai spot.

NEM: Vincent S
 KRISMAS: 20 (man)
 ADRES: Frontier Holdings Ltd, P.O. Box 102 Boroko, NCD
 SAVE LAIKIM: Raun wantaim famili, pilai spot, harim musik, ritim buk, na mekim pani.

NEM: Dickson Bobby
 KRISMAS: 20 (man)
 ADRES: P.O. Box 394, Popondetta, Oro Province
 SAVE LAIKIM: Pilai soka, pilai musik, lukim TV, na raitim pas

NEM: Kenny Augustine
 KRISMAS: 16 (man)
 ADRES: Kanabea Primary School, P.O. Box 220, Kerema, Gulf Province
 SAVE LAIKIM: Go lotu, raitim pas na mekim pani

Raun wantaim Kanage olgeta wik

Toktok stret!

WANPELA taim Kanage i go raun long wara. Em i tingting long painim pis long wara ya nogat, ol 4-pela meri i wasim klos samting i stap.

Nau Kanage lukluk tasol saitim long arere long tasol hait long bus na spai tasol i stap. Nau wanpela pisin bilong bus i singaut olsem ol man i wok long lap i stap. Na kanage i kirap nogut na em giaman katim ol liklik diwai nambaut na ol meri lukluk long bus, nogat Kanage i sanap sindaun long bus na spai i stap. Nau Kanage giaman tok olsem yupela ol 4-pela meri ya toktok wantaim mi, toktok stret noken lap nating.

**Gifflin Emolam
 Menhi Snake Stone
 Bulolo, Morobe Provins**

Ples Balus stap we?

KANAGE em bilong ples Binadere long Popondetta. Wanpela taim tupela meri blong em go raun long gaden na ol i kam bek.

Taim tupela i kam long rot, meri bilong em kirap na tok, "Ayo plis mi gat wanpela buai tasol nogat daka ya, husat bai klaimim Kapiak diwai na kisim daka bilong mi?"

Kanage tok "bai mi go nox bisi, em liklik samting."

Em nau kanage i go antap long diwai na meri bilong em sanap long as bilong diwai i stap. Kanage i go sanap long wanpela han bilong diwai na i wok long pikim daka.

Em nau meri bilong em i tromoi ai i go antap na kirap nogut bikos trauses bilong Kanage i bruk na kamap olsem sket. Meri bilong em kirap na tok olsem, man dispela balus ya laik putim taiya bilong em long wanem hap na em kam, nogat ples balus ya.

Kanage bekim tok bilong meri bilong em na tok, "em nau i gat wanpela save pes, ol i kolim olsem em ples balus ya, yu save o em ya, dispela ples balus i gat liklik kunai i stap long hap sait.

"Olsem na em laik putim taiya bilong em long hap na em kam."

Meri bilong Kanage kirap na tok



olsem, "Sapos papagraun i tok orait em bai yu putim dispela taiya bilong yu, nogat em bai nogat olgeta. Maski yu klia." Na Kanage bekim tok "Awaras Tasol!"

**Jane Mong
 Koinambe, Mt. Hagen**

Stori bilong Denial i kam olsem

DANIEL em wanpela profet bilong taun Jerusalem. Wanpela taim em i sakim tok na brukim lo bilong king Dairus, long dipela as tasol ol i holim pasim Daniel na tromoi em i go daun long bikpela hul bilong laion.

Daniel i pundaun namel tru long ol grup laion tasol na man ol i kwik taim raunim Daniel na laik kaikai em liklik.

Na turangu namel long ol laion wanpela tasol em lapun. Dispela lapun man laion i lukim olsem em

i hangere nogut tru.

Man taim em lukim olsem em bin tingim stori bilong Samson long bipo. Olsem na em i pret nogut tru na givim baksait na holim pasim ston na singaut isi, ol gutpela pikinini bilong mi noken tru go klostu long dispela man.

Em i profet Samson ya man bilong brukim maus ya. Man taim ol harim olsem ol tu poret na surik isi isi i go longwe long Daniel na hait long ol bikpela ston.

Profet Daniel i bin save long dispela taim, Long taim bilong profet Samson em hopim ai na wonim ol lion long noken bikhet gen.

**Samson Bira
 Maprik East Sepik Provins**

Ol skwat!
 Salim ol gutpela Kanage tok pilai i kam long:
 Kanage Tok Pilai
 P.O. Box 1982,
 Boroko, NCD
 Port Moresby.
 Bai yu i gat sans long winim "Raitman Kanage" t-siot!

Painim Tok! Raitim daun wanem pani samting yu ting i gutpela insait long babol long poto...

BAI YU WINIM WANPELA WANTOK T-SIOT O LAPLAP!
 Salim i kam long: Pani Toktok Kompetisen, P.O. Box 1982, Boroko, NCD Port Moresby - Sapos mipela i lukim wanem samting yu raitim i gutpela bai yu winim wanpela Wantok T-Siot o lapolap na bai mipela i putim i go insait long pepa.
 Nam:..... Adres:.....
 Krismas bilong yu:..... Telepon:.....
 Yu baim Wantok niuspapa long wanem hap:
 (Rot, Maket, Stua).....
 Kitim long hia

Kakau i nambawan wok mani long Bogenvil

Veronica Hatutasi i raitim

KAKAU bisnis em i nambawan wok mani long Bogenvil na i mekim bikpela mani long strongim Bogenvil. Sif takis man bilong Bogenvil, Peter Siana, i tokaut long dispela long wanpela bung bilon glasim ikonomi o wok bisnis bilong Bogenvil, long Buka las wik.

Em i tok olsem long dispela taim, em i hat long Bogenvil long kamapim inap mani bilong sapotim gavman bilong em yet long wanem i nogat planti rot long kisim mani.

"Bikpela rot Bogenvil i wok long kisim mani nau yet em kakau bisnis," Mista Siana i tok.

Em i tok olsem long ol ripot i kam long Kakau Bot bilong PNG, long 2008 na 2009, kakau i bin kamapim samting olsem K100 milion. Dispela ol kakau i kam long Bogenvil.

"Nogat narapela bisnis i pulim mani olsem kakau long dispela taim," Mista Siana i tok.

Em i tok Bogenvil takis opis i lukim olsem kakau bisnis inap kamapim samting olsem K10 na K20 milion long pesenel takis revenyu.

Em i tok kopra bisnis inap helpim strongim pesenel inkam takis tasol em i no bikpela olsem kakau bisnis

Bikpela wok tasol bai strongim Bogenvil

Veronica Hatutasi i raitim

LONG Bogenvil i mekim inap mani long wokim wok bilong gavman long nau na taim bihain, wanpela bikpela bisnis olsem wok maining, wok agrikalsa o wok turisim i mas kamap long Bogenvil.

Dispela tok i bin kamap long wanpela bung bilong toktok long ikonomi o wok bisnis long Buka las wik. Otonomes Bogenvil Gavman na Komes Ministri i bin kamapim dispela bung.

"Sapos Bogenvil i laik lukautim ol wok mani na wok politik bilong em yet olsem i stap long Bogenvil Bel Isi (peace) Agrimen, em i mas i gat wanpela bikpela wok bisnis bilong kamapim mani long helpim em wokim ol dispela wok," sif takis man bilong Bogenvil, Peter Siana, i tok.

Nau yet Papua Niugini (PNG) gavman i save givim grant

(helpim) mani, mak namel long K50-60 milion, insait long wanpela yia long Bogenvil long wokim ol wok bilong en (Bogenvil). Long nesenel baset o mani plen bilong dispela yia, Bogenvil i bin kisim K57 milion. Liklik mani bilong Bogenvil yet i kam inap nau i kamapim tasol K3.4 milion. Bogenvil gavman i kisim dispela mani long Guts na Sevis Takis (GST), kampani takis na kastoms duti.

GST em takis we Intenel Revenyu Komisn (IRC) i save kisim long ol guts na sevis ol bisnis na pablik sekta i save salim. Dispela we PNG Kastoms i save sasim olsem kastoms duti long samting we Bogenvil i save kisim long ovasis na i save kam olsem long ol bikpela bris olsem long Mosbi na Lae. Planti long ol takis long ol guts na sevis em ol i save katim ausait long Bogenvil na dispela i no helpim Bogenvil long

bungim inap mani long kamapim mani yet bilong em long mekim wok.

Tasol aninit long Bogenvil Bel Isi Agrimen na Oganik Lo, ol mani we IRC i save kisim olsem kampani takis long ol bisnis i wok long Bogenvil na PNG Kastoms i kisim, PNG gavman i no inap long givim ol mani i go long Bogenvil inap Bogenvil i kamapim wankain mani mak olsem grant mani (long mak bilong K55 milion) em i save givim olgeta yia. Na tu, PNG gavman i lukim olsem Bogenvil inap long kamapim dispela mani mak long olgeta yia.

Mista Siana i tok opis bilong em i wari tu long wanem planti ol bisnis long Bogenvil i no peim pesenel inkam takis long wanem ol i no wok long putim ripot long ol mani ol i save kisim insait long wanpela yia long ol bisnis bilong ol. Long dispela, em i tok ol bisnis i no wok long peim inkam takis bi-

long ol. Na dispela em olsem ol pablik sevis woklain olsem ol tisanes na polis i peim inkam takis long wanem ol i save rausim long pe bilong ol.

"Bekim bilong en em Atonomes Bogenvil Gavman (ABG) i no kisim ol mani i kam long pesenel takis long mekim ol wok bilong sevis i go long manmeri. Mi wokim wanpela ripot i go long Komes minista long sampela rot yumi i ken bihainim long stretim dispela hevi," Mista Siana i tok.

Long sait bilong bikpela projek i kamap long Bogenvil we i ken helpim long pulim inap mani, Mista Siana i tok olsem.

"Long Bogenvil i kamapim inap mani long mekim ol wok na sapotim otonomi, em i mas kisim moa kampani inkam takis na GST. Tasol dispela kain stap i ken senis kwiktam sapos wanpela bikpela wok bisnis i kamap.

Kwinslen na PNG Tred Fea kamap long Mosbi Strongim wok bisnis

Veronica Hatutasi i raitim

BAIM na salim i go i kam namel long Papua Niugini (PNG) na Australia o tred i wok long gro strong na i go antap long 50 pesen insait long 5-pela yia i kam inap nau, na Kwinslen i helpim i strongim planti bilong ol dispela wok.

Hai Komisina bilong Australia long PNG, Chris Moraitis, i tokaut olsem long ol manmeri i bin stap long gavman bilong Kwinslen Mini Tred Fea we i

bin kamap long dispela wik long Holiday Inn, Mosbi.

Tred Kwinslen em eksport ejensi bilong gavman bilong Kwinslen, i wokbung wantaim Austred (Austrade), long kamapim dispela Mini Tred Fea. Fea i soim ol guts na sevis Kwinslen i kamapim long sait bilong aviesen, profesenel developmen, edukesen na trening, envaironmen, siping, enjiniring sevis, na ol narapela wok olsem.

Mista Moraitis i tok dispela

Mini Tred Fea i bikpela samting bai strongim moa yet tred na wokbung namel long Kwinslen na PNG we i strong pinis.

"Namel long mun Julai 2008 na Jun 2009, ol samting we PNG i bin kisim i kam long PNG Inap long AUD\$1.6 bilion na dispela we em (PNG) i bin baim long Kwinslen inapim 35 pe sen. Long narapela sait, Australia i bin kisim ol samitng inap long manimak long AUD\$3 bilion. 81 pesen i bin

go long Kwinslen," Mista Moraitis i tok.

Em i bilip olsem tred na wok pren namel long PNG na Kwinslen bai gro string moa yet long ol yia i kam.

Long wankain taim, man husat i go pas long 23 memba bilong Tred Fea long Kwinslen, John Bissel i tok bikos tupela PNG na Kwinslen i stap klostu long wanpela narapela, strongpela histori bilong tred namel lon g ol i givim sans long ol bisnis wok namel long ol



TRED FEA: Sampela long ol Kwinslen Tred Fea delegesen long Holiday In, Mosbi. Poto: Australai Hai Komisn

a quality product of The Coca-Cola Company

NATURE'S OWN™

Purified Water

Sapotim tokaut bilong HIV/AIDS!

Coca-Cola Amatil i makim K200,000 olsem moni mak bilong 2009, na mipela askim olgeta man na meri bilong Papua Niugini long sapotim dispela kempein.

Taimyu baim wan wan Nature's Own 600mL or 1.5L botol wara, Coca-Cola Foundation bai givim 20 toea i go long National Aids Council long halivim tokaut bilong HIV/AIDS.

Get a HIV test and Plan your future

Visit a today

PNG MADE

Abau i laikim moa risets save

AGRIKALSA risets em i wanpela wok we i wok long go bikpela nau insait long Papua Niugini, wantaim ol ogenaisesen i pulap kapsait wantaim ol risets infomesen na teknoloji, tasol planti long ol dispela save i no save karim kaikai long sait bilong wok.

"Sapos ol dispela infomesen na teknoloji i mas go aut long ol bikpela namba manmeri long bus bilong kantri, orait, ol i mas kisim," Isoa Domai, husat em i Menesa bilong Souene Koporetiv Grup long Abau Distrik long Sentral provins i tok.

"Mipela i gat graun na gutpela san na rent u i stap we mipela i ken yusim bilong poromanim ol infomesen na teknoloji i ken helpim mipela."

Mista Domai i bin toktok las wik long Merani viles long Abau long taim NARI i mekim wanpela fil de bilong en long hap.

"I gat moa long wan hekta graun i stap bilong groim ol gaden kaikai na kumu na dispela ol samt-ing em mipela i save salim long ol lokol maket tasol," Diana Damai, Meri Lida bilong Souene Mama Koporet Grup i tok.

"Mipela i laik brukim

moa graun, tasol mipela i pret, nogut mipela i gat planti kaikai tumas na winmani bilong en bai sot long ol bikpela prais bilong kar i go long ol maket long taun."

Em i tok em i gat bilip yet olsem i mas i gat mobeta rot bilong ol long salim ol gaden kaikai bilong ol. Sampela ol gaden kaikai ol i save groim em taro, banana, Afrika yam na ol kain kain kumu.

Merani em i ples we NARI i bin sanapim wanpela komyuniti bes risos senta las yia long skulim na tilim ol nupela rot bilong wok faming ol i kamapim na risets i go insait long wan wan ol samt-ing i ken helpim ol rural komyuniti insait long Sauten rijen.

Het tok bilong dispela yia em kamapim gut "Kaikai Sekyuriti na Gutpela sindaun wantaim ol Impruv o mobeta Teknoloji na Infomesen".

Ol i soim kain kain ol teknoloji long ol fama. Wanpela grup bilong Maikro Fainens tu i bin stap long helpim ol fama i rejistaim na opim ol nupela akaun aninit long Koki brens opis bilong ol. Ol lain i bin stap insait long dispela so em ol DAL

opisa bilong Westen, Milen Be na Sentral provins, Koki Maikro Fainens, NARI wokmanmeri na ol fama insait long Merani eria na ol ples i stap klostu.

Senta long Abau i gat ol piksa gaden i soim ol nupela rot bilong wok gaden na planim kaikai we NARI yet i kamapim, em Mista Domai yet i sanapim. Ol i save tilim tu ol infomesen buklet na skulim ol manmeri long brukim ol sid na planim.

Ekonomis bilong NARI, Clifton Gwabu i tok NARI i save mekim wok risets na tingting bilong sanapim dispela risos senta em long sanapim bris namel long ol risets man na ol fama o bus komyuniti na strongim save bilong ol bai ol yet i ken skelim gutpela bilong wok bilong ol.

"Mipela i ken helpim long bungim ol stekholdas wantaim ol fama, tasol i no long bikpela makmak, liklik tasol," Mista Gwabu i tok.

NARI i sanapim pinis wankain ol risos senta wantaim helpim bilong ol lokol atoriti long Kabwum long Morobe, Kairuku na Hiri long Sentral provins, na Kiriwina Gudinap distrik long Milen Be.



SWIT MOA: Ol pikinini bilong Merani i no nap abrusim ol epol mango ol i lainim long NARI Fil De long Abau las wik.



MEKIM OLSEM: Diana Domai i soim ol lain manmeri na wokmanmeri bilong NARI long we bilong yusim stret kemikol Bifentrin long kilim ol taro binatang long ol taro bilong em.



HELPIM: Dispela rop na wasa pam i helpim senta inap wanpela yia nau long wok bilong pulim wara bilong Merani fam bihain long ol i sanapim.

Inglen tim kisim Parker na Marabe



KARIM NEM: Parker (karim flek) na Marabe bai go pilai long Inglen long 2010 sisen. POTO: Andrew Molen.

SBS MURUKS senta, Jessie Joe Parker, na Agmark Gurias senta, Larsen Marabe i stap namel long 11-pela nupela pilaia we Featherstone Rovers bilong Inglen (England) i kisim long pilai wantaim ol long 2010 sisen.

Prop fowet na tu kepten bilong Rovers, Stuart Dickens, i bilip gutpela pilai bilong Marabe na Parker bai kamap ples klia taim ol i resis wantaim ol arapela pilaia long kisim ples insait long tim.

Dickens i tok em i wet tasol long nupela sisen bilong wanem ol i kisim sampela ol gutpela nupela pilaia i kam insait long tim.

Marabe na Parker i stap long gutpela fom dispela



SOIM: Dispela bai namba wan taim bilong Marabe long pilai ovasis na we ol bai lukluk long ol strongpela ron na takol bilong em. Marabe na Parker bai pilai long wanpela tim. WANTOK POTO.

sisen insait long bemobile kap resis we i lukim Marabe i winim gren fainol wantaim ol Gurias na Parker i kisim Muruks i go inap long namba wan wik bilong fainols resis tasol.

Tupela i stap insait long PNG Orijin resis dispela

yia tasol Parker tasol i bin kisim ples insait long Kumul tim we i winim Pasifik kap resis.

Marabe i bin stap insait tu long PNG Praitim Ministas 13 Kumuls tim we i pilaim Australia Praitim Ministas 13 tim long Sep-

tamba. "I gat gutpela toktok long dispela tupela PNG pilaia mipela i kisim.

"Sapos ol i olsem ol arapela PNG pilaia, em bai gutpela long lukim ol i pairap tru insait long fil.

"Ol bai givim mipela sampela gutpela sans long outsait," Dickens i tok long ol nius ripot las wik.

Dispela bai namba tu taim bilong Parker long go pilai ovasis bihain long St George Illawarra klap bilong NRL long Australia i laik kisim em i go dispela yia.

Hevi bilong redim pepa bilong go long Australia i mekim na em i no bin go tasol dispela bai namba wan taim bilong Marabe long go stap na pilai ovasis.



MANMERI WANTAIM: Boksing em wanpela spot we i gat sans long winim planti gol medol bilong tim Sentrol long PNG gems. Long 2007 ol i winim 6-pela gol medol na nau ol i makim long winim sampela moa gen. POTO: Andrew Molen.

KILIA: Hekari Souths United FC difenda, Cyril Muta i redi long mekim wanpela bikpela kik long O'lig gem bilong ol agensim Lautoka FC bilong Fiji long Mosbi long Novemba 7. Lautoka i bin win 2-1. POTO: Andrew Molen.



KEM: Sentrol Provins tim i stap kem long Mirigeda long Oktoba 14 yet dispela yia bilong PNG gems. Ol i laik ol femili bilong ol i save olsem ol i stap gut tasol na ol i noken wari. POTO: Andrew Molen.

SPOT RAUN

WANTAIM

Scott Vavine, ML



Wanem samting long mekim taim yu kamap long Gems pilai ples

I GAT bikpela amamas na bel kirap long taim bilong kam long ples bilong pilai. Olgeta bai skin kirap long kamap long ples we ol bai soim strong na pilai bilong ol.

Long sampela ol spotmanmeri, em bai namba wan taim bilong ol, na ol arapela, em ol i save kam pinis long dispela ples. Tasol wanem samting i kamap nau, menesmen bilong tim na ol wan wan seksen tim menesa bilong ol i mas bihainim stret gem plen bilong ol.

Dispela taim em taim we ol seksen tim menesa i mas stap redi long helpim ol tim bilong ol. Ol i mas gat sekli long wanem ol wok bilong ol, na ol i mas bihainim dispela lis nau. Long wanem, sapos wanpela samting i go rong long dispela taim, em i ken daunim strong bilong tim na ol pilai bilong ol.

Nau tim bilong yu i kamap pinis long gems veniu o ples bilong pilai, wan wan seksen tim menesa i mas sanap strong na kamap wanpela tim lida. Em i mas lukautim sindaun bilong tim, lukautim olgeta kago bilong ol, na olgeta wan wan spotmanmeri i mas holim kago bilong ol yet na i no bilong ol arapela.

Olgeta tiket bilong ol i mas stap wantaim long dispela de i go inap taim bilong go bek long ples.

Taim olgeta i redi pinis long go long gems viles, i mas i gat kontrol i stap na ol spotmanmeri i noken go raun raun nabaut ol yet na stori wantaim ol poroman. Tingim, dispela em i wanpela taim bilong skin kirap na ol spotmanmeri i ken paul nabaut. Em nau yu mas soim tru kala bilong yu long stiaim ol gut.

Taim yupela i kamap pinis long Gems Viles, jeneral menesmen tim bai go pas long makim ol rum bilong tim bilong yu. Wantaim alokesen plen bilong yu, ol bai tokim yu wanem hap yu bai go slip long en i go inap long pinis bilong gems.

Taim yu laik go long kem bilong yu, sapos yu gat ol meri etlit, yu mas tingim sefti bilong ol pastaim. Ol man etlit, em bihain bai yu ken stretim ples bilong ol long silip.

Sampela samting bilong tingim, na em trenspot i go long ples bilong pilai, ples kaikai bilong yu, trening ples, medikal senta na rekriesen senta.

Moa yet, wanem kain kaikai ol etlit bai kaikai, na long wanem taim tru. Olsem wanem kain kaikai bai stap bilong brekfes, belo kaikai na kaikai bilong nait. Yu mas lukautim gut ol etlit bilong yu wantaim kaikai na ol i mas malolo gut. Olgeta etlit i mas save long malolo gut long wanem em bai strongim pilai bilong ol.

"Tingim, yu mas las man bilong slip na namba wan man bilong kirap na redim ol samting bilong nupela de."

Naime olsem Kompaon

Andrew Molen i raitim

MARTIN Naime husat i gat 16 krismas na i bilong Bereina long Sentrel provins em man husat kosa bilong em i bilip bai kisim ples bilong paralimpik etlit (etlit em olsem spotman o spotmeri), Francis Kompaon. "Francis (Kompaon) i no save ron stret tumas, em i save saitim liklik, tasol Martin i save ron stret olsem na em inap ron spit olsem o spit moa bilong Francis," kosa bilong Naime, Ripa Kalamo i tok. Naime i save ron insait

long MTFD na T46 divisin bilong paralimpik resis o resis bilong ol tarangu lain.

Nambawan taim bilong ol resis bilong Naime em 12 sekens insait long 100 mita.

Dispela mun bai em i pilai long Sentrel provins tim long PNG Gems long Mosbi.

Kalamo i bilip Naime bai ron gut long dispela pilai olsem Kompaon i save mekim bipo.

"Em bai kisim ples bilong Francis Kompaon long taim bihain," Kalamo i tok.

Paralimpik tim bilong Sentrel provins i wok long stap long wanpela trening kem wantaim ol arapela tim bilong provins long Mirigeda long Sentrel inap wanpela mun nau.

Ol i lusim Mirigeda dispela wik long go Bavaroko Praimeri Skul long Nesanel Kapitel Distrik we ol bai stap na pilai.

RON: Naime i soim olsem em i ken kamap gutpela man bilong ron olsem Kompaon. *Poto: Andrew Molen*



Kikboksing stap insait long PNG Gems

Andrew Molen i raitim

DISPELA yia bai namba wan taim long spot kikboksing i stap insait long PNG Gems.

Wanpela tim we i strong long winim planti medol long dispela spot em kikboksing tim bilong Nesanel Kapitel Distrik (NCD).

Planti taim NCD i no save salim planti paitmanmeri go long ol nesanel na rijenel resis long wanem mani mak bilong balus tiket i bikpela tumas.

Tasol nau bai dispela bikpela pilai kam long asples bilong ol olsem na ol i kamapim wanpela strongpela tim long bungim ol arapela provins.

Wanpela ten tu man na tupela meri bai karim



NAMBA WAN TAIM: Sampela ol kikboksia bilong Mosbi sanap redi tasol long pait. *Poto: Andrew Molen*

nem bilong NCD taim ol i go insait long ring long tupela wik i kam.

Ol i save ol provins olsem Sauten Hailans na Westen Hailans, Madang, Simbu na Morobe bai givim strongpela salens long ol, tasol

ol bai no inap isi tu. Kikboksing i save givim biknem long NCD na Papua Niugini (PNG) long ol provinsel, nesanel, rijenel na intanesanel resis, tasol i no save stap insait long ol bikpela gem olsem PNG

Gems, Pasifik Gems na Olimpik Gems.

Long las tripela PNG Gems, kikboksing i no bin stap insait, tasol bos bilong PNG Kikboksing Asosiesen (PNGKBA), Stanley Nandex, i wok hat long putim dispela

spot i go insait.

Bod bilong PNG Gems i givim tok orait long kisim kikboksing i go insait na Nandex i helpim long givim ol pepa wok na ripot i go long ol.

PNG Gems bai nupela salens bilong ol dispela yangpela kikboksia husat planti bai go insait long ring namba wan taim long kain bikpela resis olsem.

Planti bilong ol i trening longtaim tasol nau tasol bai namba wan bikpela pait bilong ol.

Ol i kisim gutpela helpim long trena David Lawe na ol arapela sinia kikboksia na tu Nandex yet long redim ol yet.

Ol i go insait long kem wantaim ol arapela NCD tim long Sande dispela wik long Yunivesiti bilong PNG.

Sentrel laik mekim rekot long RL 9's



REKOT: Ragbi lig tim bilong Sentrel makim namba tri gol medol bilong ol. *Poto: Andrew Molen*

Andrew Molen i raitim

SAPOS Sentrel provins i winim gol medol gen long ragbi lig nains (9's) dispela yia, em ol bai kamap namba wan tim long winim tripela gol medol long dispela spot.

Ol i winim namba wan gol medol bilong ol long 2005 na long 2007 ol i winim bek gen.

Nau ol i lukluk long namba tri. "Mipela no laik lusim dispela i go, mipela i laik holim bek," tim opisel Ripa Kalamo i tok.

Em i tok ol i no wari long ol arapela tim long wanem ol i winim ol bipo pinis na i save gut long pilai bilong ol.

"Tupela provins tasol we mipela i

was gut long ol em Galp na Westen," Kalamo i tok.

Em i tok planti manmeri i bin putim ai long Is Nu Briten provins long winim ol tasol Sentrel i mekim ol i kirap nogut.

"Mipela i winim ol isi tasol long fainel olsem na mi i gat bilip olsem ol mangi inap long mekim gut gen dispela yia," Kalamo i tok.

Mi no save sapos wanpela tim o provins i mekim dispela pinis, tasol sapos mipela i winim gol medol gen em bai rekot, em i tok.

Ragbi lig 9's, volibol, boksing, weit lifting na pawa lifting em ol spot we tim Sentrel i ken winim planti medol.



phones from only K29

from bemobile stores and all good retail outlets



bemobile toktok moa

PNG Gems stat tete

Andrew Molen i raitim

wanwan pilai graun long Mosbi.

LONG tu kilok (2pm) dispela apinun bai ol tim bilong wanwan provins husat i kamap long pilai insait long PNG Gems wokabaut i go insait long Se John Guise Stadium long Mosbi.

Ol provins i stap klostu, olsem Sentrel, Galp na ol asples NCD yet i gat moa pilaia.

Dispela tripela provins i gat moa long 300 pilaia na opisel i stap long tim bilong ol wanwan.

NCD i mekim bikipela wok long redim ples bilong dispela bikipela spot bung, em i gutpela taim tu bilong Mosbi long yusim dispela gems long redi long 2015 taim Pasifik Gems bai kam.

Ol bai soim kala bilong provins bilong ol na tu ol pilai na opisel bilong wanwan spot ol i stap long en.

Dispela wokabaut bilong ol tim bai kamap wantaim sampela ol pilai na danis we bai makim opim bilong 2009 PNG Gems long Nesenel Kapitot Distrik (NCD).

Moa long 600 manmeri bilong olgeta hap long kantri bai kamap long dispela pilai we bai stat long Novemba 19 (tete) na pinis long Novemba 28 - Sarere, wik i kam.

Tupela ten tri kain ol spot bai kamap long dispela gems long

Mary Karo bilong NCD komiti go pas long redi long PNG Gems (HOC), i singaut long ol manmeri bilong Mosbi long lukautim gut na tu soim gutpela pasin long ol manmeri bilong ol arapela provins husat i kam raun long Mosbi long dispela taim.

Em i tok lukautim ol na helpim ol long stap gut inap long wanem taim ol i pinis pilai na go bek long ples bilong ol.



KARANAS I KAM: OL disebol etlit bilong Bilas Peles Nu Ailan i redi long soim strong bilong ol taim Namba 4 PNG Gems i op tete na ol pilai i go het long tumora Fraide. PNG Gems bai ron tupela wik na Wantok Niuspepa i bin bungim ol dispela lain Karanas taim ol i go long opis bilong PNG Gems long stretim ol pepa wok bilong ol. Planti ol spotmanmeri bilong olgeta hap bilong kantri i kam bung long Mosbi long resis na soim strong bilong ol long kain kain ol spot pilai. Poto Nicky Bernard.

INSIDE ▶ Inglen tim kisim Parker na Marabe - Page 25 ▶ Naime olsem Kompaon - Page 27

Johnston's Pharmacies

For First Aid Kits, Red8 Body Bulk Protein Supplements, Thompson Vitamins, Bandages, Strapping Tape, Mouth Guards.

All Sport and First Aid requirements.



P.O.Box 1066 Boroko. Phone 325 3185. Fax 325 0190. Email sales@johnstons.com.pg."